

宋

會

要

宋會要

歷代大行喪禮下

孝宗

喪禮

紹熙五年六月九日至尊壽皇聖帝崩于重華宮重華殿遺詔曰內外文武臣僚等吾承高廟之詒謀纂御基圖二十有八載厲精思治夙夜不敢康功成克遜期協于帝廸舉神器親授嗣聖退處北宮逮茲六稔幸宗社有託中外晏寧得以優游養性垂登七袞之壽偶爽節宣遂愆和豫今至大漸將不克享天下之養皇帝孝愛憂形于色祈禱備至日期康復而定數莫踰吾方高蹈冲虛夙明至理顧循終始復何憾焉壽聖隆慈備福皇太后可尊為太皇太后壽成皇后改稱皇太后將來

候撤几筵重華宮可改為慈福宮却於向後蓋殿以居
壽成皇后廢幾以便定省侍奉皇帝成服三日聽政喪
紀以日易月羣臣共為寬釋勿過摧傷百官入臨並隨
地之宜諸路州府長吏以下三日釋服在京禁音樂百
日在外一月無禁祠祀嫁娶沿邊不用舉哀本宮提舉
所見在錢銀共一百萬貫令撥付朝廷量行給散內外
諸軍山陵制度務從儉約他不在誥中皆取皇帝處分
吏賴臣鄰庶寮協心扶翊永保平泰以副至意故茲遺
誥想宜知悉 是日宣遺誥文武百僚常服黑帶去金
玉飾詣殿下立班定禮直官引班首出班前東向立搢
笏宣遺誥訖歸位並舉哭一十五音再拜班首稍前躬

身致詞奉慰壽聖隆慈備福皇太后壽成皇后次奉慰
皇帝皇后歸位各再拜訖退 同日詔內侍楊舜卿闕
禮差充都大主管喪事吳回劉信之充造梓宮官 同
日詔大行至尊壽皇聖帝合用袞冕大圭令工部下文
思院製造供納 同日禮部太常寺言文武百僚朝輔
臨於宮廡內外文武百官並詣殿下立班再拜訖禮直
歸位舉哭一十五音自小祥後至禫祭朝一臨自是每
訖再拜訖班退
七日皆臨四十九日而止禫除後山陵前每遇朔望羣
臣並朝臨如值雨或霑濕權免入臨成服日大小禫除
朔望百官奉慰并進名奉慰壽聖隆慈備福皇太后壽
成皇后皇帝皇后從之 同日又言檢照故事初喪日

皇帝合服白羅袍黑銀帶綵鞋白羅軟脚折上巾成服
日皇帝服布斜巾四脚裙袴冠帽竹杖腰經首經直領
大袖布襴衫白紗襯衫皇太后皇后太妃内外命婦麤
布蓋頭裙衫帔子首經紗襯服六宮内人無帔内外命
婦合入臨人仍加冠嘉王許國公合服布頭冠幘頭大
袖襴衫裙袴首經腰經麤麻布為履前項服制並乞下
文思院製造羣臣服制並斬衰服斬衰服謂不緋中書
門下省樞密使副尚書翰林學士節度使金吾衛上將
軍文武二品以上布頭冠布斜巾布四脚大袖襴衫裙
袴首經腰經竹杖綃襯衫文武五品以上并職事官監
察御史以上内客省宣政昭宣使知閤門事及入内都

知押班布頭冠幘頭大袖襴衫裙袴腰經自餘文武百
官三省樞密院書令史以上及御史臺閤門太常寺引
班祇應人布幘頭襴衫腰經已上並合用麤麻布為（後）
前項服制並乞下臨安府製造軍人百姓等白衫祇帽
婦人素縵不花釵三日止行在諸軍統制統領官免入
臨就寨掛服將副部隊將官使臣散使臣陞朝官以上
及將校副指揮使以上常服哭於本營三日而止常日
朝殿祇應排立（後）門禁衛班直將校副指揮使以上并
御前忠佐（後）百官臨即哭於殿門外在外諸路監司州
軍縣鎮長吏以下服布四脚（後）襴頭直領襴衫上領不
盤腰經（以麻）朝晡臨三日而除沿邊不用舉哀士庶婚

嫁服除外不禁內外品官禁樂二十七日京城內外民
庶自舉哀至祔廟合行禁樂諸路州縣管內寺觀自關
報到日修建道場七晝夜禁屠宰三日民庶等禁樂百
日沿邊軍中及在內諸軍軍行教閱不禁並從之 同
日又言檢照典禮自成服至釋服日遇朝殿所有簾幕
並用縞素輦輿從物中淺黃色包裹御前禁衛行門班
直親從快行親事官輦官等服青皂或褐衫帶子從之
同日又言伏覲遺誥喪紀以日易月合至六月二十
一日小祥七月三日大祥七月五日禫除從之 同日
又言檢照典禮皇帝視事日宰執奏事去杖小祥日去
冠餘官奏事依此皇帝聽政未釋服前其引班人若行

予臨之禮即服衰絰如遇內殿引班奏事及從駕常服
黑帶從之 同日太常寺言今來大行至尊壽皇聖帝
升遐所有宣遺誥并日後入臨成服奉慰乞令許國公
並行趲赴立班從之 同日禮部侍郎許及之等言今
來大行至尊壽皇聖帝升遐製造袞冕一副隨大殮衣
設於梓宮內從之 同日又言檢照禮書斬衰用負版
方一尺八寸在背上綴於領下垂放之辟領方四寸置
於負版兩旁各撓負版一寸亦綴於領下衰長六寸廣
四寸綴於前衿當心並以布為之所有今來皇帝并皇
孫及應文武官五品以上并職事官監察御史以上內
客省宣政昭宣使知閤門事及入內都知押班其所服

皆合用負版辟領衰乞令所屬依上件禮製造施行從之
同日禮部太常寺言檢照乾興元年典故大殮前
延慶殿陳生平服玩及珠襦玉匣含襚應入梓宮之物
今來大殮乞依上件典故施行從之 同日又言用六
月十三日大殮成服行祭奠之禮其日儀鸞司設素幄
於几筵之東時將至行事陪位官易服就位立班皇帝
服素服詣素幄即座簾降大史奏時及太常卿當幄前
俛伏跪奏太常卿臣某言請皇帝為大行至尊壽皇聖
帝升遐成服內侍官為皇帝釋素服易衰服簾捲禮直
官引太常博士博士引太常卿導皇帝出幄凡前導官並同
詣几筵側西向褥位立太常卿奏請再拜舉哭凡奏請並係太

常皇帝再拜舉哭在位官皆再拜哭前導官導皇帝詣香案前三上香跪內侍進茶酒酹茶三奠酒俛伏興奏少立讀祝文官跪讀祝文訖奏請哭盡哀皇帝哭盡哀在位官皆哭盡哀奏請再拜皇帝再拜在位官皆再拜前導皇帝還褥位奏請再拜皇帝再拜在位官皆再拜前導皇帝還幄簾降奏禮畢百官移班稍東進名班首出班致詞復位再拜奉慰壽聖隆慈備禮皇太后仍進名奉慰壽成皇后次進名奉慰皇帝皇后訖班退同日立銘旌高九尺書大行至尊壽皇聖帝梓宮同日立重同日詔辰日不得忌哭十日禮部太常寺言大行至尊壽皇聖帝升遐合差官奏告昊天上帝皇地祇大社

太稷太廟別廟諸陵櫛宮從之

十一日禮部言檢照

典故未祔廟前每遇大祠奏告等行事官權改吉服用樂去處備而不作百官不入臨日皇帝未聽政已前百官於文德殿門外進名起居釋服後祔廟遇朔望不御前後殿並於常御殿門外進名奉慰從之 同日又言小祥日皇帝改服布四脚直領布襴衫腰經布袴所有百官五品以上并職事官監察御史以上內客省宣政昭宣使知閤門事入內都知押班改服布幘頭布襴衫腰經布袴大祥日皇帝改服素紗軟脚折上巾淺黃袍黑銀帶合赴文武官三省樞密院書令史以上及御史臺閤門太常寺引班祇應人合服禪服係素紗軟脚幘

頭黥布公服白程錫帶

故例係幘頭令臨安府製造給散其黥布公服錫帶止今本府

各支布一疋半自今包裏製造

禪除日皇帝釋黥常服文武百

官有繫金玉帶及佩魚者並易以黑帶仍去魚乘花繡
羈絨座易以皂羈去絨座宗室出則常服居則衰服依
服屬終喪從之 十二日詔謚冊寶并沿冊寶法物哀
冊并沿冊法物並下文思院修製同日命少保左丞相
留正撰哀冊文知樞密院事趙汝愚撰謚冊文參知政
事陳騭書哀冊文同知樞密院事余端禮篆寶文翰林
學士李燾撰謚議同日詔大行至尊壽皇聖帝陵名命
少保左丞相留正擬撰同日禮部太常寺言禪除前重
華宮內侍官依所定客品服制其餘內侍官遇到重華

宮行禮合依所定服制遇從駕及出入和寧門合常服
黑帶啓攢官并梓宮發引日百僚並服初喪服從之同
日檢照將來殿櫓行燒香之禮 前一日儀鸞司設素

幄於殿櫓方位之東祭土時至都大主管喪事官行祭

土之禮以俟太史報時及導奉梓宮至殿櫓方位

其合用儀

物令都大主管喪事官供應

都大主管官監視殿櫓訖行事陪位官

就位立班定皇帝服衰服詣素幄即座太常博士引太

常卿當幄前奏請皇帝行燒香之禮前導官導官導皇

帝出幄詣西向褥位立奏請再拜舉哭在位官皆再拜

哭前導官導皇帝詣香案前三上香跪內侍進茶酒酌

茶三奠酒俛伏興奏少立俟讀祝文官跪讀祝文訖奏

請哭再拜皇帝哭再拜在位官皆哭再拜前導官導皇帝還褥位請再拜在位官皆再拜前導官導皇帝還幄簾降奏禮畢百官奉慰如上儀 同日又言百司以日易月服制之內入局治事即不合易服從之 十三日禮部太常寺言今來大行至尊壽皇聖帝升遐用六月十三日辰時八刻大殮未時八刻成服今欲乞十四日百司作休務假一日依舊朝脯臨立班從之同日又言慈福宮提點王公昌傳奉太皇后聖旨皇帝以疾聽就內中成服太皇太后代行祭奠之禮知宮中之儀宰執率文武百官就重華宮殿下成服立班奉慰太皇太后皇太后訖百僚服衰服入和寧門詣後殿門外立班奉

慰皇帝皇后訖退從之 十四日禮部太常寺言今來
大行至尊壽皇聖帝升遐如遇車駕詣重華宮除應奉
官權服常服黑帶隨駕外其從駕官及逐幕次起居官
至禪除前權免從駕起居先赴重華宮門外幕次迎駕
起居俟禪除後依舊從之 十六日太常寺言檢照七
月三日大行至尊壽皇聖帝大祥皇帝行祭奠之禮其
日儀鸞司設素幄於几筵殿之東時將至行事陪位官
就位立班皇帝服布四脚直領布襖衫腰經袴詣幄即
御座簾降太常卿當幄前俛奏請皇帝行祭奠之禮簾
捲前導官導皇帝出幄詣禩位西向立太常卿奏請再
拜舉哭皇帝再拜舉哭在位官皆再拜哭前導官導皇

帝詣香案前奏請三上香跪內侍進茶酒皇帝酌茶三奠酒俛伏興奏請少立讀祝文官跪讀祝文訖奏請哭盡哀在位官皆哭盡哀奏請拜皇帝再拜在位官皆再拜前導皇帝降階詣殿下褥位西向奏請拜皇帝再拜在位官皆再拜前導皇帝還幄簾降奏禮畢百官奉慰如上儀皇帝改禪服 七月五日禪除皇帝行祭奠之禮其日儀鸞司設素幄於几筵殿之東時將至行事陪位官就位立班皇帝服禪服詣幄即御座簾降太常卿當幄前跪奏請皇帝行祭奠之禮簾捲前導官導皇帝出幄詣殿下褥位西向立奏請再拜舉哭皇帝再拜舉哭在位官皆再拜哭前導皇帝升殿詣香案前三上香

晚內侍進茶酒皇帝酌茶三奠酒俛伏興奏請火立讀
祝文官跪讀祝文訖奏請哭盡哀皇帝哭盡哀在位官
皆哭盡哀奏請拜皇帝再拜在位官皆再拜前導皇帝
降階詣殿下褥位西向立奏請拜皇帝再拜在位官皆
再拜前導皇帝還幄簾降奏禮畢退百官奉慰如上儀
皇帝釋禪服 十八日詔大行至尊壽皇聖帝山陵當
遵遺誥務從儉約凡修營百費並從內庫支降如或不
足即以封樁錢貼支免侵有司經常之費諸路監司州
府軍監等止進慰表其餘禮物並令免進仍不得以助
修奉櫓宮為名 二十一日小祥皇帝行宮中之禮
二十五日詔朝請即試祕書監兼實錄院檢討官薛叔

似假顯謨閣學士朝散大夫提舉萬壽觀兼侍讀信安
郡開國侯食邑一千戶食實封壹百戶賜紫金魚袋差
充奉使金國告哀使果州防禦使帶御器械幹辦皇城
司謝淵假廣州觀察使知閤門事兼客省四方館事永
康縣開國子食邑七百戶副之 同日禮部太常寺言
將來大行至尊壽皇聖帝禪除行禮畢皇帝合服皂幘
頭淡黃袍黑鞞烏犀帶素絲鞋下文思院造進從之 二十八
日詔朝請大夫試司農卿林湜假朝請大夫試吏部尚
書宜春縣開國侯食邑一千戶食實俸一百戶賜紫金
魚袋充遺留禮信使武經郎閤門宣贊舍人游恭假泉
州觀察使右衛上將軍仁和縣開國伯食邑七百戶副

之 同日詔少保左丞相留正為櫓宮總護使錄機務
繁冗改差少保大安軍節度使充萬壽觀使郭師禹皇
伯檢校少保興寧軍節度使提舉佑神觀使夢為橋道
頓遞使中大夫試工部尚書趙彥逾為按行使 紹熙
五年七月七日禮部太常寺言檢照典禮將來大行至
尊壽皇聖帝梓宮發引合用大昇輦并輜一櫓宮內安
設各用熟三匹纁二匹熟纁乞下左贈玉一段盛熟纁
牀及帕一啓奠祖奠遣奠所有祭器合用牙牀三張一
將來掩櫓宮畢并神主祔廟合用虞主一神主一大匱
二小匱二腰輿二汲水鐵絡桶二索全矮香案二紫羅
白羅拭巾一長八尺筆硯墨一白羅巾二各長八尺

觀籍神主
慶主紫羅
褥子三浴斛
二跌座三子全
四几三承子全
此般漆袖
絹怕之上

行障二

全

⑤

紬絹帕二幅

三

單匾黃羅夾帕二幅

三

并

祔室法物等並乞下文思院製造從之

十六日按行

使副孫逢吉吳回言荆大聲等相視大行至尊壽皇聖

帝神冗在永祜陵下宮之西南永思陵下宮之東南那

趙向南石板路上乞差官覆按施行詔權工部侍郎兼

侍講黃艾充覆按使入內內侍省押班續康伯副之

先是按行使趙彥適言判太史局荆大聲等相視神冗

合在永思之西緣其地上肉淺薄雖民有獻者又皆窄

狹與國音相妨乞於永思之西向南近上安建朝廷未

以為然彥適請別命官按行於是軍器監簿按行使司

準備使喚王恬被旨審度相視廼言乞就昭慈永祜下

宮安建比之大聲所定高六尺三寸改命孫逢吉按行
乞那趨向南石版路上比前所定增上一丈委實高厚
可以安建既而艾等覆按為是廼從之 十九日工部
言文思院申今來修製謚冊玉寶一鈕乞照應高宗皇
帝謚寶樣製造施行從之 二十四日詔大行至尊壽
皇聖帝櫬宮修奉都護差侍衛步軍都虞候閻仲鈐轄
差入內內侍省押班續康伯 二十七日禮部太常寺
言將來梓宮發引日依禮例總護橋道頓遞使都大主
管官就幄次前朝辭餘行事官並免從之 同日又言
將來梓宮發引日所用鼓吹警場挽郎依淳熙十四年
禮例係總護橋道頓遞使前二日同都大主管官禮部

太常寺官就貢院按閱從之 一警場合用金鉦一十
二人鼓手六十人鳴角六十人逐色教頭共五人武嚴
教頭三人管轄人員三人部押使臣一人一鼓吹合用
鼓吹令_五職掌府典吏引樂官共一十人歌色一十六
人箏篋色三十六人笛色三十六人簫八人大鼓一十
六人節鼓一人金鉦四人擡擊人兵共一十八人一挽
歌合用押教二人執色四十八人_{並日支食錢有差}挽詞翰林
學士中書舍人撰二十首文臣職事官各二首導引歌
詞學士院撰前一日太常寺教習_植同日詔修奉大行
至尊壽皇聖帝櫬宮所有合用木_植埽瓦可行下臨安
府兩浙轉運司同共疾速計置津發應辦所有其餘應

兩浙轉運使行下所立
州軍計置
應辦價直
却於修奉
都壕寨官
請降到
以段添料
錢上

干合用物料亦令料次錢內支撥 二十九日詔張宗
尹差都大主管大行至尊壽皇聖帝喪事 八月十三
日欽宮修奉使司言修奉欽宮故創其石藏利害至重
緣二浙土薄地卑易為見水若不預行措置竊慮水脉
津潤於久未便乞於廂壁石藏外五尺別置石壁一重
中間用膠土打築與石藏一平雖工立倍增恐可禦濕
從之 十六日禮部太常寺言欽宮內合用十二神乞
下文思院修製從之 十八日詔皇堂內榑令有司用
沙板隨宜修製俟將來掩皇堂時先下榑底板俟進榑
宮於榑底板上定正訖然後安下榑身次將大盤羹網
於榑上安設榑宮已有牙腳止用平底可就修奉欽宮

處製造

二十五日詔攢宮營造總護使司應副錢糧

梓宮發引在司編排應辦渡江舟船等頓遞使司應辦

錢糧差兩浙運判黃黼九月二十日百日皇帝行燒

香禮如宮中之儀率文武百僚詣重華殿入臨進

名奉慰行在禁屠宰三日諸路州軍等處一日二十

四日詔右丞相趙汝愚擬撰大行至尊壽皇聖帝陵名

汝愚上陵名曰永阜詔恭依

同日詔撰謚議官改差給事中兼直學

士院樓鑰同日禮部太常寺言今年孟冬朝獻景靈

宮緣係在大行至尊壽皇聖帝服制之內及未祔廟見

停宗廟之祭乞依孟秋禮例權停從之二十七日詔

撰哀冊文官改差右丞相趙汝愚撰謚冊文官改差知

樞密院事兼參知政事陳駿書哀冊文官改差參知政
事余端禮書篆寶文官改差簽書樞密院事京鏜 十
月五日詔奉上謚冊寶攝太傅差右丞相趙汝愚奉謚
冊寶官差知樞密院事兼參知政事陳駿讀謚寶攝侍
中差參知政事余端禮讀謚冊攝中書令差簽書樞密
院事京鏜 十四日禮部太常寺言將來奉上謚冊寶
并神主^神廟合差官奏告從之 十七日攝太傅趙汝
愚率百官詣南郊請謚于天其日文武百僚並赴南郊
幕次各服其服 行事官服祭服陪位官服常服吉帶 有

司設權置謚議匣案褥位於壇午階下稍西東向次設
禮料御史臺閣門太常寺分引文武百僚入詣午階下

之南北向立次引奉禮郎太祝太官令詣陪位班之前
褥位北向立次引讀謚議官詣謚議案之後褥位立次
引舉謚議官詣讀謚議官之後褥位立次禮直官引太
傳詣卯階下稍東西向褥位立贊者曰拜在位官皆再
拜奉禮郎太祝太官令陞壇各就位立禮直官引太傳
詣盥洗位搢笏盥手執手執笏詣爵洗位搢笏洗爵
爵執笏陞壇詣昊天上帝神位前搢笏跪三上香奉禮
郎搢笏跪奉玉幣授太傳凡執事並搢笏事已執笏太
傳受玉幣奠玉幣執爵三祭酒于茅苴奠爵執笏俛伏
興少立太祝跪讀祝文太傳再拜降壇復位少立禮直
官再引太傳詣謚議案權置位立舉謚議官跪舉謚議

匣與執事者先捧謚議案詣昊天上帝神位前當中置於褥位太傅搢笏捧謚議匣陞壇至位跪奠謚議置於案上執笏興少退立次讀謚議官詣謚議案後立舉謚議官跪舉謚議讀謚議官跪讀謚議訖復位舉謚議官奠謚議舉謚議匣與執事者先捧案降壇置於褥位舉謚議官舉匣降壇太傅後從至權置位置定太傅舉謚議官俱復位立贊者曰拜在位官皆再拜次考功郎官詣謚議權置位前立舉謚議官詣謚議案舉謚議以授考功郎官考功郎官受之如於笏上退歸本班太傅率行事官詣望燎位有司取貌板幣帛陞燎壇燎訖文武百僚退合書謚議官並歸次考功郎官以謚議付本部

以俟書畢投進 同日攝太傅趙汝愚等請大行至尊

壽皇聖帝謚曰哲文神武成孝皇帝廟號孝宗臣聞帝王之出治豐功茂烈生則著見於天下而其流傳於後世者則待節惠之名要皆取其盛者而傳之文王一怒而安天下非無武也武王告成而作洪範非無文也取其盛者而傳之則備道全美可以一言定也甚哉孝之大也虞舜之大武王之達自漢歷唐無不謚帝為孝本朝累聖相承皆用舊典若夫集孝道之大成則未有如大行之盛者也恭惟大行至尊壽皇聖帝繩藝祖之武重光堯之華以天縱之能日新之德臨御天下二十有八載巍巍煌煌不可備述若形容天地繪畫日月則不

容無辭方在初潛龍德而隱學聚問辯師教不煩日就月將君德昭著度羣勞謙共為子職日趨朝謁威儀雖肅雖莫窺其涯而中外屬心天人協應光堯內禪高視唐虞嗣位以來勵精庶政召收故老尊禮元臣臨朝若神待物如春崇節儉以革奢汰之風振紀綱以起偷墮之習事無小而不紊人無微而不記機務雖繁酬酢無壅立法定制動為後則以科舉為未盡則立待補之法以蒐遺才以武舉為未盛則優入仕之級以收智勇年勞並用以裁濫賞而不致於累遷銓闈加嚴以抑任子而又為之限節改秩必使之作邑謂舉以親民而使之治民御史必取之賢宰謂受人之察而後可察人以周

行速化必使試郡而後為郎以延閣清華必俟有功而後除職監司守將必廷見而臨遣癯老昏繆之人不得而隱藏姦賊之吏必窮治而斥逐清介潔廉之士則從而拔用朝士闕官乃除遂無待次之淹要郡留闕選才遂無輕授之冗黜賊吏之世賞進軍功於流內長慮却顧守之至堅故雖日不暇給而四方靡然向化矣于時疆場未寧戎車方駕激厲將士嚴備邊陲張皇六師明見萬里中原起來蘇之望殊鄰多歸附之民撫而有之還以為用天威既振戎虜畏警雖犂庭掃閭未快初志而信使復通滅幣殺禮至今無烟火之警苟非雄斷遠畧何以臻此臨政既久治道愈明物來能名事至輒斷

精神之運上際下蟠於天地之間智慮所關六通四闢
於帝王之德行公道以銷黨偏之蔽推平心而絕喜怒
之私間有水旱之變應天以實而禮文尤備州縣之奏
恐其不速蠲復之數恐其不多傾困倒廩以濟其急賞
勤罰惰以勵其餘民不知其有災歲亦隨以登熟幸太
學幸祕書省廷策貢士布文教以振士風御鞍馬親弓
矢申嚴軍法立武事以張國威內外小大之臣無不列
之屏以待黜陟山川險要之地無不措諸掌以立防閑
治具畢張化風已成方且玩意希夷而無奉道之過將
心寂寞而無佞佛之迹作敬天之圖兢懼愈深闢延和
之殿諏訪愈切躬講讀之勤設遺補之官其餘保治有

始有卒至於脫屣萬乘燕居重華授受之際尤為雍容
嗚呼身退而道彌高尊極而用彌儉是以萬有千歲永
處慈辰而厭代登遐歸于帝鄉此羣臣萬姓所以攀號
擗踊泣盡而繼之以血也遠日有期恭定尊謚請之南
郊以詔萬世謹按謚法曰能官賢才曰哲帝德廣運曰
文思變無方曰神保大定功曰武持盈守滿曰成慈惠
愛親曰孝迹夫知人而善任使文武各得其用非所謂
能官賢才乎修德以來遠人矢文以洽四國非所謂帝
德廣運乎酬酢以周萬機圖回以盡衆智非應變無方
乎妙韜畧而不用極聰明而不殺非保大定功乎守基
圖之廣大延國祚於綿遠非持盈守滿乎若夫孝道之

盛非惟臣子所不能稱贊雖考之謚法求之六家語其甚盛者曰慈惠愛親而已是則未足以彰大行之孝也報本反始而奉郊禋尊祖敬宗而事廟饗惟高宗皇帝為天下而得人太皇盡母道以愛子而大行天賦至性不可解於心備四海九州之養謹五日一朝之儀委曲周盡猶恐不及兩宮九閨終無間言固已風動四方震服夷虜高宗屬疾則衣不解帶躬自嘗藥及棄天下則勺水不入於口倚廬有過於哀鄙漢文之短喪臨晉武之無斷身服苴麻禮盡苦塊行有匹夫之所難哭則哀動於左右虜使來弔止許朝于喪次顏色之戚哭泣之哀虜使退而嘆曰皇帝聖孝乃如此大臣或進諭解之

言則流涕被面曰大恩難報羣臣感泣莫敢仰視易月之制既終因山之役既畢孺慕無已追遠弗勝遂舉大寶以畀聖子不曰倦勤不曰求逸惟曰不得日奉先帝之几筵躬行聖母之定省又曰俾予一人獲遂事親之心永膺天下之養於是御潔服於乘輿尊几筵於內殿退處堊室以終三年之喪哀疚不忘齋素自若歛事慈福溫清無違嗚呼茲豈非集孝道之大成又豈慈惠愛親之所能盡也大行至尊壽皇聖帝宜天錫之曰哲文神武成孝皇帝廟號孝宗臣謹議詔恭依 十八日詔金國弔祭人使到闕其見辭受書應干禮議並照淳熙十五年禮例施行 二十一日禮部太常寺言大行至

尊壽皇聖帝將來奉上謚冊寶畢合稱哲文神武成孝
皇帝祔廟畢合稱孝宗哲文神武成孝皇帝詔恭依
二十三日御筆自今後應有拜表稱賀等事為在至尊
壽皇帝喪制之內並權免 二十八日櫛宮按行使司
言相視到分立神宍神園所有永祐陵西籬鋪屋及果
木等有礙打量索路合行奏告了日除去從之 二十
九日攝太傅趙汝愚率百官奉上哲文神武成孝皇帝
謚冊寶 前一日奉上謚冊寶太傅讀冊中書令讀寶
侍中奉謚冊官奉謚寶官舉寶官並服黑帶去魚守行
宮門入詣行宮殿門外幕次太常寺贊引祇應人禮部
職掌及儀衛親從官等並於殿門外隨地排立以俟進

請謚冊寶內侍官請降謚冊寶將出行宮殿門次引奉

謚寶官於內侍處受冊寶於殿門上幄次權置定次禮

直官贊者引太傅已下詣殿門下隨地立班再拜訖如

值雨或泥濘免拜

權退側身立俟有司奉迎儀衛進行

太傅已下步從至宮門合上馬處上馬騎從至重華宮

門外幄次權安奉訖太傅已下退歸本司宿齋其日俟

開重華宮門陪位文武百僚入詣幕次有司設權置冊

寶稱位於殿下東向次奉謚冊寶入重華宮門太傅已

下行禮官並後從至殿階下東向權置位冊北寶南太

傅已下權退歸幕次俟有司排辦畢備御史臺閣門太

常寺分引文武百僚詣殿裏外隨地之宜立班定次禮

直官引讀冊中書令讀寶侍中詣冊寶之後褥位立次
引舉寶官於讀冊中書令讀寶侍中之後立次引奉謚
冊寶官詣冊寶案之南東向立次引奉上謚冊寶太傅
詣殿下褥位西向立定禮直官贊太傅躬拜在位官皆
再拜訖次引太傅升殿詣香案前搢笏上香再上香三上香跪
一酌茶三奠酒執笏俛伏興再拜訖降階復位少立次
再引太傅詣殿下褥位北向俛伏跪奏稱太傅臣某言
奉詔謹奉上天行至尊壽皇聖帝謚冊寶奏訖俛伏興
退復位奉謚冊官詣冊案前立次舉冊官詣冊案搢笏
跪舉冊匣興凡舉冊寶皆禮部職掌助舉職掌先捧冊
案升殿詣殿上香案前置於褥位北向次奉謚冊官指

笏奉謚冊次引太傳詣冊匣之後指笏奉謚冊官以謚
冊授太傳受訖奉謚冊官執笏退位次舉冊官舉行太
傳捧冊升殿至褥位北向跪奠冊匣於案上太傳執笏
興少退稍西褥位東向立次舉冊官執笏興少立次引
讀冊中書令升殿詣冊案之後北向立舉冊官指笏跪
舉冊讀冊中書令指笏跪讀冊訖執笏興降復位舉冊
官奠冊舉冊匣興職掌先捧冊案於殿下稍東褥位置
定舉冊官舉冊匣跪置于案上舉冊官執笏興降復位
初讀冊官讀冊將畢次引奉謚寶官詣寶案前次舉寶
官指笏跪舉寶盃興職掌先捧寶盃升詣殿上香案前
置於褥位北向次奉謚寶官指笏奉寶盃次引太傳降

階於寶盞之後搢笏次奉謚寶官以寶盞授太傅太傳
受訖奉謚寶官執笏退復位立次舉寶官舉行太傅捧
升殿至褥位北向跪奠寶盞於案上太傅執笏興少退
稍西褥位東向立次舉寶官執笏興少立次引讀寶侍
中升殿詣寶案之後北向立舉寶官搢笏跪舉寶次讀
寶侍中搢笏跪讀寶訖執笏興降復位立舉寶官奠寶
舉寶盞興職掌先捧寶案於殿上稍東褥位置定舉寶
官舉盞跪置于案上舉寶官執笏興降復位立次引太
傅降復位西向立定禮直官贊太傅躬拜在位官皆再
拜如值雨泥濘隨宜於殿裏外并廟上趨班次移
班稍東進名班首出班致詞復位再拜奉慰壽聖隆慈

備福太皇太后次進名再拜奉慰皇太后訖次進名再
拜奉慰皇帝次進名再拜奉慰皇后訖班退次詣後殿
門外立班進名奉慰太上皇帝太上皇后訖班退 謚
冊文維紹熙五年歲次甲寅十月戊子朔二十九日丙
辰孝孫嗣皇帝臣御名謹稽首再拜言曰臣聞道之大
者擬議之所不能加尊之極者形容之所不能盡然天
地之德非可俄度而總其大曰生帝王之美非可易言
而極其至惟孝誠以萬善之本孝為之先理無不該治
所從出建人文以立極包衆甫以用中巍巍煌煌充滿
天地生闡丕憲沒垂閔休振古無倫不可尚已恭惟大
行至尊壽皇聖帝以天縱不世出之姿輔高明大有為

之志神武甚類於藝祖至仁克叶於高宗在位二十八
年紀綱法度慶賞刑威文物典章源流品式煥乎三辰
之明藹乎韶濩之音截然風霆之震驚沛然雨露之滂
漉雖精神之運微妙難測而出治之迹較然可紀方在
冲幼岐嶷徇齊儼如神人已係羣望就傳王即睿質日
躋沉潛聖經反復舊史發為言訓有老師宿儒之所不
及洎膺付託光御歷服當宁太息風揮日舒蒐延浚明
昭發猷念勤勞夙夜以恢康濟久大之圖明厲奮決以
起偷墮苟安之習短出庶物不流於滿假思周萬機罔
病於叢脞規為建置常欲凌厲漢唐而紹休祖宗故推
對越之誠首輯敬天之圖克惻惻之念游頌卹民之詔

總章園丘之迭舉而報本之義盡儒館辟廱之親臨而
右文之化展重惜名器也雖官闈之恩澤萎減損而不
卹務公賞刑也雖勲戚之抵冒必詰責而無赦貢稱美
餘則却之法奏祥瑞則刪之復六察之彈糾不止於檢
簿書之稽違詰三省之煩苛貴在乎明朝廷之體要課
儒生以金穀懼空言之無補角進士以弧矢慮戎備之
或忘申飭闔人毋預軍政體貌大臣常延便坐嚴更迭
法以練才實躬臨遣之煩以達壅蔽權任所寄誕謾敗
事者必謫摯御之臣請託為姦者必戮孜孜汲汲日不
遑暇羣工奔走率職而庶事秩然舉矣至於躬服儉素
研精典學聲色靡曼未嘗留意成湯之弗邇也雙日休

暇間坐書筵孔子之時習也反安南之象則旅獒之不
蓄觀御苑之麥則無逸之先知乾文參乎典謨宸畫麗
乎河漢儲宮入侍每迪以剛健安康下降必訓以溫柔
旁采崔以達權深陸贄之忠蓋言動以為法則身聲
以為律度厥惟始初遭虜匪茹赫然震怒疾厲武節念
版圖之未歸痛陵寢之弗祀大講岐陽之蒐冀申有扈
之伐而敵蒙未啓雄圖終鬱雖宿耻之猶在顧大誼之
已明此則有開於後來將續聖志而成之也歷攷自昔
粵帝興王雖謹於初鮮不終怠而大行臨御既久日新
又新每深苞桑之戒居軫朽索之懼尊賢勵德晚而彌
萬洋洋風聲軼乎疆外用能大和熏塞方內底寧肖翹

蚊行固不成遂神明未衰王化方洽廼舉神器以授聖
子揖遜之盛光於有虞方且獨超希夷為衆之父玩其
清淨福我邦家而生民無祿昊天不弔奄棄大養歟乘
白雲率土崩心際天雨泣未予小子追念烈祖之訓
焚焚在疚固知有濟王公卿士諏經訂禮以謂因山匪
遠升祔有期當崇徽稱庸詔罔極夫惟懿錄豈易管窺
亶哉孝思寔高載籍冰顏之敬餘九閭而益共致養之
隆極九州而未已和氣愉色根於自然纖介不形淳篤
天至逮執喪紀古制是遵漢文弗思而輕變晉武雖行
而未盡仁殫義備始自聖明固已挽百代之澆風示一
王之丕式矣夫舜之獨稱大武王周公之獨稱遠豈其

他聖賢皆不然哉蓋即其特盛者而名之也粵茲誅行
稽謀于天鏤玉簡薦之清廟於以揚厲景烈宣明至公
貫顯幽而無慚亘今古而如在謹遣攝太傅光祿大夫
右丞相提舉編修玉牒提舉實錄院提舉編修國朝會
要天水郡開國公食邑六千五百戶食實封二千戶趙
汝愚奉玉冊玉寶上尊諡曰哲文神武成孝皇帝廟號
孝宗伏惟威靈在天膺受容典於萬斯年永膺厥後鳴
呼哀哉謹言 閏十月三日禮部太常寺言將來神主
祔廟合添一室修置石室等乞下兩浙轉運司計會本
寺修蓋從之 同日又言將來神主祔廟製造孝室牌
一面進請御書修製畢權於修內司安奉以俟擇日迎

竟
易
地

奉安掛從之

四日內出御製挽詩五首

其一曰德

壽一言決昌陵七世孫躬方膺曆數志欲整乾坤揖遜
循先烈崇高仰至尊總筵如在上猶得奉晨昏其二曰
聖德何加孝惟皇集大成哀誠動蠻貊至性格神明盡
物難圖報稱天遂易名直從虞舜後今日見躬行其三
曰九閔凝丕績中興鼎盛時聖圖天廣大王度日清夷
已矣南風曲傷哉十月卮都人紛涕淚舊事說淳熙其
四曰曉發移霜紉風行引素旂攀車勤孺慕臨酹動慈
闈地接稽山窆寒生漢殿衣史臣占瑞象歸奏五雲飛
其五曰久荷綠車寵俄驚玉几憑居喪履甚菴嗣統劇
淵冰祖業何能潤宸謨敢不承因山遵素志萬古近思

陵 七日詔攢宮修奉司今來修奉哲文神武成孝皇帝下宮於永思陵下宮之西修蓋 同日橋道頓遞使司言將來梓宮發引度江依舊例梓宮前後官司除內人船外其餘並於前兩日渡江庶得整肅不致喧嘩從之 同日太史局言將來梓宮發引經由道路合依淳熙十四年高宗皇帝梓宮經由去處於候潮門直南水門兩橋之間權拆禁城修作門戶出城取牛皮巷跨浦橋登舟係是東南利方於國音即無妨礙從之 八日詔朝請郎守尚書右司員外郎林季友假煥章閣學士朝請大夫提舉萬壽觀兼侍讀成安郡開國公食邑一千戶食實封一百戶賜紫金魚袋充奉使金國報謝使

武功大夫左領軍衛將軍郭正己假明州觀察使知閤
門事兼客省四方館事宜春縣開國侯食邑一千二百
戶副之 十日御史臺言勘會梓宮發引日百官出城
奉辭合設文臣路祭一座乞依例應文_臣選人並照本
身料錢每貫三十文省於臨安府送納今本府排辦候
畢如有支不盡錢繳納左藏庫從之 十一日金國
弔祭使資政大夫吏部尚書尼厖古鑑副使正議大夫
尚書戶部郎楊伯通讀祭文官朝列大夫行祕書丞賈
守謙赴重華殿行祭奠禮 前期_○鷹司於重華殿東
廊設御幄并重華殿上並施簾其日有司預於殿上設
哲文神武成孝皇帝神御座主管事務及諸司於殿上

先設香案香茶酒果食盆臺等候使人并讀祭文官至
重華殿門外幕次如有使人附到祭食先期於重華殿

上排殿畢

皇帝先詣重華宮前行燒香之禮如宮中之

儀畢東廊御幄簾降其合赴內居侍立等官並如閣門

儀禮直官引內侍官於重華殿門外捧祭文奠書案入

於殿階下使副拜褥之右禮直官舍人通事引使副讀

祭文官並殿下褥位北向立定讀祭文官重行立初引

使副入重華殿門殿上簾捲皇帝於幄內舉哭殿上下

官皆舉哭使副升殿止哭揖躬使副讀祭文官俱再拜

訖內侍官捧祭文奠書案升西階詣神御座前稍西使

副讀祭文官隨升殿使副詣殿上北向立讀祭文官在

祭文奠_文後立引使詣神御座前就一拜跪三上香奠
茶奠酒畢就一拜興復位立內侍官捧案詣神御座前
置定讀祭文官詣神御座前就一拜跪啓封讀祭文奠
書訖就一拜興引使副讀祭文官降西階下殿歸位揖
躬再拜皇帝於嚢內舉哭殿上下官皆舉哭禮直官舍
人通事引使人並權退殿上簾降使人出重華殿門外
幕次以俟朝見 十五日禮部太常寺言將來梓宮發
引依典故啓櫬前三日奏告天地宗廟社稷天慶觀報
恩光孝觀太一宮從之 十六日金國弔祭使尼兀古
鑑等赴重華殿奉辭前期儀鸞司於重華宮殿上施簾
其日有司預於殿上設哲文神武成孝皇帝御座主管

事務及諸司於殿上先設香案香茶酒果祭食盃臺等
并重華宮親從親事官排立如儀候使人并讀祭文官
至重華殿門外幕次候親從親事官自拜兩拜訖次御
史臺閣門太常寺分引宰執侍從官入赴當殿北向立
定殿上簾捲揖躬兩拜訖宰執並由西階升殿分東西
立侍從官於殿下東壁面西立禮直官舍人通事引
使副讀祭文官入殿前殿上下官皆舉哭至殿下禱位
北向立定揖躬兩拜訖引使副由西階升殿殿上下官
止哭讀祭文官依舊殿下立使副於殿上北向立引使
詣神御座前就一拜跪三上香奠茶三奠酒畢就一拜
興復位引使副降西階下殿歸位立殿上下官皆舉哭

揖躬兩拜訖退宰執並降西階侍從官已下以次退殿
上簾降 二十一日詔攝太傅持節導靈駕及奠諡寶
監掩欝宮差右丞相趙汝愚欝宮禮儀使差太師嗣秀
王伯圭攝少傅差吏部尚書鄭僑 二十三日禮部太
常寺言將來虞主回赴重華宮并神主祔廟依禮例用
細仗五百人太常鼓吹一百三十一人乞下兵部太常
寺差撥施行從之 二十四日禮部太常寺言靈駕發
引依禮例差太傅一員後從皇帝行啓奠祖奠遣殿之
禮詔差右丞相趙汝愚 同日禮部太常寺言已降指
揮掩欝宮畢太常卿沿路行六虞祭畢奉迎虞主詣重
華宮皇帝行奉迎安神禮及行第七第八第九虞祭依

禮例係間日行禮并依國朝故事神主祔廟前二日皇帝親行卒哭之祭所有神主祔廟日辰太史局選用十二月十八日其間日一虞祿相去祔廟日遠今檢會昨淳熙十五年禮例亦緣祔廟日遠係三日一虞今欲乞將來十二月四日奉迎虞主詣重華宮几筵殿行奉迎安禮畢欲乞於六日皇帝親行第七虞祭十日八虞十三日九虞十六日卒哭從之二十五日詔奉迎神主并神主祔廟禮儀使差右丞相趙汝愚都太主管官差霍汝翼二十九日詔靈駕發引并至永阜陵攢宮除太傅禮儀使火傳一員復土九鍾就差禮儀使伯圭十一月四日詔書題祔廟神主差吏部尚書鄭僑十

一日啓櫛皇帝服初喪之服行祭奠之禮 其日啓櫛
時前總護使行啓櫛禮畢捧遷梓宮還殿安奉訖禮直
官引讀祝文官詣殿上香案之西東向立次禮直官太
常博士引太常卿詣幄前立定次御史臺閣門太常寺
分引陪位宰執文武百僚並服初喪服詣重華殿裏外
隨地之宜立班定皇帝服初喪之服詣幄即御座簾降
禮直官太常博士引太常卿當幄前俛伏跪奏稱太常
卿臣某言請皇帝詣哲文神武成孝皇帝梓宮前行啓
櫛祭奠之禮奏訖伏興退復位簾捲前導官前導皇帝
出幄詣殿上禱位西向立奏請拜皇帝再拜舉哭在位
官皆再拜舉哭前導官前導皇帝詣香案前北向立奏

請皇帝上香再上香三上香跪內侍進茶酒奏請皇帝
酌茶三奠酒于茅苴奠爵訖俛伏興又奏請皇帝少立
俟讀祝文官讀祝文訖皇帝哭在位官皆哭奏請拜皇
帝再拜在位官皆再拜訖前導官導皇帝還褥位西向
立奏請拜皇帝再拜在位官皆再拜訖前導官前導皇
帝歸御幄簾降禮直官太常博士引太常卿當幄前俛
伏跪奏稱太常卿臣某言禮畢奏訖伏興退百官移班
稍東進名班首出班致詞復位再拜奏慰太皇太后次
進名再拜奉慰皇太后次進名再拜奉慰皇帝次進名
再拜奉慰皇后訖班退換常服黑帶詣後殿門外進名
再拜奉慰太上皇帝次進名再拜奉慰太上皇后訖班

退自是~~班~~僚並服初喪服朝一臨臨退不易服至發引
奉辭靈駕畢易常服黑帶 紹熙五年十一月十四日
詔靈駕發引其排立禁衛諸班直親從等子并殿前司
擺設經由道路坊巷官兵折食錢依淳熙十五年例令
戶部日下特與倍支 同日~~監~~祭御史吳玠言準敕差
監掩櫓宮續詔令在路糾察~~議~~等入船~~不得~~前後撓
先速去照得舊例祭官俟掩櫓宮畢不候~~虞~~主先回
今既有糾察指揮未審合與不合隨虞主至行在詔令
隨虞主回程餘依已降指揮 十五日靈駕發引行啓
奠祖奠遣奠之禮 其日行啓奠禮時前太皇太后皇
太后自宮中服衰服提舉官奏請太皇太后皇太后詣

梓宮前舉哭行燒香奉寧之禮畢權歸幄次有司設牙
床牲牢禮饌畢禮直官引讀祝文官詣殿上東向立進
幣爵酒官詣殿上西向立酌酒官於酒尊之後立次引
太傅宰執總護使皇親南班官行事侍中等及總護使
司官屬詣殿下北向立定禮直官太常博士引太常卿
於幄前立定皇帝服衰服至御幄即座侍衛之官各服
初喪之服簾降太史報時前二刻禮直官太常博士引
太常卿當幄前俛伏跪奏稱太常卿臣某言請皇帝行
啓奠之禮奏訖伏興退復位簾捲前導皇帝出幄詣殿
上褥位西向立奏請拜皇帝再拜舉哭在位官皆再拜
舉哭次內侍官進盥匱沃水奏請皇帝盥手內侍官進

爵奏請皇帝洗爵內侍官進巾奏請皇帝拭爵前導官
前導皇帝詣哲文神武成孝皇帝靈座前次禮直官引
大傳後從凡升降及祖奠遣奠禮皆太傳後從又奏請

皇帝跪上香再上香三上香進幣爵酒官西向跪先進
幣次進爵酒又奏請皇帝受幣奠幣執爵三祭酒于茅
苴奠爵訖俛伏興又奏請皇帝少立哭止讀祝文官東
向跪讀祝文官奏請皇帝哭在位官皆哭又奏請拜皇
帝再拜在位官皆再拜次前導皇帝還褥位西向立又
奏請拜皇帝再拜在位官皆再拜訖前導皇帝權歸幄
簾降前導官於幄前立陪位等官並權退徹啓奠禮饌
俟時至侍中詣哲文神武成孝皇帝靈座前俛伏跪奏

稱侍中臣某言請哲文神武成孝皇帝靈駕進發奏訖
伏興退復位凡侍中奏請皆俛伏跪奏訖伏興俟輦官

等捧梓宮稍前侍中又奏請哲文神武成孝皇帝靈駕
少駐俟權置定輦官等並權退次提舉官奏請太皇太
后皇太后詣梓宮前舉哭行燒香奉辭之禮畢還官有
司設牙床牲牢禮饌畢次引太傅宰執總護使等陪位
官皆立定陪位官如啓奠之儀次禮直官太常博士引
太常卿當嚶前俛伏跪奏稱太常卿臣某言請皇帝行
祖奠之禮奏訖伏興退復位簾捲前導皇帝帝出嚶詣殿
上西向褥位立奏請拜舉哭行禮並如啓殿之儀訖前
導皇帝於稍東褥位西向立太傅宰執前導官總護使

官屬等權退詣重華殿門外以俟前導後從立班次引

皇親南班官於殿下稍東少立次引總護使升殿於皇

帝禱位之東西立禮直官引侍中奏請哲文神武成孝

皇帝靈駕進發初行祖奠之禮少府監即其屬進龍輅

於重華殿下輦官等升捧梓宮太傅持節導梓宮進發

降殿太常少卿帥執翼者分左右障梓宮初梓宮降殿

皇帝舉哭從行總護使皇親南班官並舉哭陪從至重

華殿次引侍中詣哲文神武成孝皇帝靈駕前奏稱侍

中臣某言請哲文神武成孝皇帝梓宮升龍輅奏訖退

次將作監捧梓宮登龍輅挽士奉引至重華宮門外侍

中奏請哲文神武成孝皇帝靈駕權馬升大昇輦初至

宮門外皇帝歸幄簾降行事陪位官少退前導官立於

御幄前次少傳率梓宮官

係將作監

奉梓宮升大昇輦

訖有司設哀冊牙床寶牲牢禮饌畢次引讀冊官舉冊
官進爵酒官各隨地之宜立酌酒官於酒尊之後立次
宰執總護使等陪位官皆立定

陪位官如啓奠之儀次

禮直官太常博士引太常卿當幄前俛伏跪奏稱太常
卿臣某言請皇帝行遣奠之禮奏訖伏興退復位簾捲
前導官前導皇帝出幄詣大昇輦之前褥位立奏請拜
皇帝再拜舉哭在位官皆再拜舉哭內侍進盤匱沃水
奏請皇帝盥手內侍進巾奏請皇帝悅手內侍進爵奏
請皇帝洗爵內侍進巾奏請皇帝拭爵前導官前導皇

帝詣哲文神武成孝皇帝靈駕前又奏請皇帝晚上香
再上香三上香進幣爵酒官跪先進幣次進爵酒又奏
請皇帝受幣奠幣執爵三祭酒于茅苴奠爵訖俛伏興
又奏請皇帝少立哭止讀哀冊官跪讀哀冊訖奏請皇
帝哭在位官皆哭又奏請拜皇帝再拜在位官皆再拜
訖陪位官皆退有司徹牙床禮饌前導官前導皇帝權
歸幄次禮直官引侍中奏請哲文神武成孝皇帝靈駕
進發有司率僧道各執威儀鑼鈸道具并車輦法物哀
冊謚冊寶等及儀衛執持物入前引靈駕進發前導官
前導皇帝出幄舉哭執絛繩俟大昇輦進發內侍官割
繩訖前導官前導皇帝歸幄哭止簾降前導官退 哀

冊文 維紹熙五年歲次甲寅六月庚寅朔九日戊戌

哲文神武成孝皇帝崩于重華宮之重華殿殯於殿之

西階粵十一月戊子朔十五日壬寅遷座于永阜陵櫬

宮禮也即遠期臻通喪義切象物儼乎既備龍輅瞻其

將發孝孫嗣皇帝臣御名孝深念祖制實代親樂棘表

性直庶厚倫望仙遊而已邈企貽訓以如新丕闡大烈

宣資弼臣其詞曰於皇太祖肇基我宋神旗一揮禹國

星拱功拯兆人德彌千紀傳祚友于弗私其子慶鍾來

裔元聖通開珠庭日角大畧雄才洪惟高宗鑒提則哲

早毓英睿謂膺圖諫爰付大統天心允協乾道紀旦於

赫皇明清風發而果日麗潛龍奮而春雷驚仄席籲俊

諫
易
牒

宵衣厲精政核名實治規平成革玩歲之末習揭莢邦
之大經羣臣震疊以亮采方內涵濡而底寧慨九陵之
蕪穢悼二都之殫腥若劇嘗膽夙行建領意欲刷耻雪
憤掃寃犁庭陳藁街之斧鉞報清廟之威靈雖壯圖之
耆昧炳聖志之丹青宣示訓於有生尤茂昭於人極享
帝虔恭奉先祇惕兢兢早暮載嚴于職玉卮奉而慈顏
怡愉寶冊陳而叶氣充塞十閭致養三年宅卹表裏交
盡初終如一行軼曹閔道光載籍乃若學洞壺粵文追
典謨諏經米廩援翰鴻都儒化聿宣文風誕敷居率儉
勤勤虞驕逸覽章夜分決事日是聲色靡好園游不飭
賜無橫綿府有餘積至仁漸暨邦本先卹延見牧守丁

寧戒飭中外更試以練羣能長養成就忠良奮興善無
微而不錄惡無隱而不懲曰司紀綱或糾愆謬不難屈
已以伸法守體正用大消平黨偏其德赫赫其心淵淵
蓋明足以燭知洪纖而不病於察智足以獨御區宇而
不矜其全神機電斷蔑優游之失卓識天授顯精一之
傳春秋日高聖敬彌邵肆垂宏遠之規終契希夷之妙
脫屣黃屋怡神絳宮方展寀而慶七袞忽賓天而乘六
龍文母流涕以臨訣聖嗣抱疹而嬰兒嗟舜宥之甫頒
哀秦醫之莫達嗚呼哀哉彌留之辰天震地裂人心靡
怙而皇皇國勢阽危而業業賴遺澤之滲漉想靈旂之
颯沓偉大策之中定輦皇圖於不拔嗚呼哀哉流晷于

邁隱憂載深繁霜繁兮眩目朝痛吹嚴兮殞心撫玉座兮
兮虛虛以寂瞻素旗兮翩復森長樂鍾殘猶意絃衣之
問鉤天夢斷空驚廣奏之沉嗚呼哀哉因山遽催同軌
畢赴背巍巍之遂字即杳杳之靈戶紛羽衛兮赫奕愴
凶儀兮縞素薤歌咽兮前道之翠移兮屢駐流蘇月滿
清廟之夜色空凝輦路苔生別苑之春光誰顧嗚呼哀
哉指濤江而欲度辭廟祔以增歎睇稽山兮暫寓眷輦
洛兮終歸痛深泉下之銀海藏謹中方之玉衣葬速蒼
梧蹇二妃之不從宴終瑤圃眇八駿以何之嗚呼哀哉
君臨天下二十有八年睿澤浸乎華夏德名振乎天淵
儼美堯禹跨成軼宣何崇朝之厭代兮鬱四海之煩冤

煇大孝之絕德兮，茫神孫於萬年。嗚呼哀哉！二十四
日內降制曰：三年之喪，古有彝制。朕勉承慈訓，寅紹邦
圖。仰孝宗之家法，具存宜耿躬。惟古道是復，以盡厚終
之義，以昭尊祖之誠。朕當遵用三年之制，可令禮官條
具合行典禮以聞。先是禮部太常寺言：欲大祥畢更
服禫兩月至九月一日從吉。上曰：但欲禮制全盡，不較
此兩月。於是監察御史胡欽言：伏覩已降御筆布告，遵
行三年之制。是時太上感疾未能執喪，故陛下下此明
詔，欲以安海內，示夷狄也。今孫為祖服已過暮矣。議者
欲更持禫兩月，不知用何典禮？若曰嫡孫承重，則太上
聖躬亦已康復，於宮中自行二十七月之重服，而陛下

又行之是喪有二孤也往時權臣當國不有太上故禮
官造為不經之說以濟其不軌之謀自古孫為祖服何
嘗有此禮制今陛下詎可不為親屈以為之差別乎謂
宜二十五月而釋服六月九日釋服之後用王廟祥禫
共月之義且放古未逾月織冠之意服常服色之淺
淡者終月至七月一日純吉服自餘一切如常服之舊
太上皇帝宜禫而釋服至九月一日純吉庶無二孤之
嫌又合祥禫共月之制乞下侍從臺諫給舍集議吏部
尚書葉翦等議到當來有司失於討論今來胡紘所乞
委是允當兼照曲故山陵進發日皇帝釋衰服改吉服
今服衰服已至大祥高世之行度越漢唐乞從所請詔

集議到禪制事嘗宣諭宰執雖合禮經然於朕追慕之
意有所未安後月過慈福宮更當取太皇太后聖旨至
是過宮奏知面奉聖旨以羣臣所議既合禮經况太上
皇帝聖躬雖未全康愈宮中亦自行三年之制宜從所
議朕既承慈訓敢不遵依議狀付外施行宋史禮志初
宗為三年服及孝宗之喪有所請於易月之外宋禮志
淺黃之制蓋循紹興以前之舊朱熹初至不以禮為然
言初喪之往服則失不及追改惟尚有所將來議望明
用禮律據行指定其官除吏軍民方喪之服亦宜稍禮
考勿使肆為華靡其後詔中外百官皆以涼衫視事蓋
制此也方朱熹上議時門人有三疑者未有以折之後讀
禮記正義喪服小記為祖後者三年嫡孫為祖後者承
其畧云準五服年九月格新哀三年嫡孫為祖後者承
法意甚明而禮經無文但傳云父沒而祖為祖後者承
然而不見本經未詳何據但小記云祖而父為祖後者
後者三年可以傍照至為祖後者條下疏中所引鄭志

乃有諸侯父有廢疾不仕國政不仕喪事之問而鄭答
以天子諸侯之奏時無文字可檢又無羽友在而承國於祖服
向來上此奏時無文字可檢又無羽友在而承國於祖服
以禮律言之亦有大疑又在不當承重者時無明白證驗
但方得無疑乃知學之講其害不安歸來稽考始見此
說方得無疑乃知學之講其害不安歸來稽考始見此
有刪畧不無待於從人向使無鄭康成則此事終有所
斷決不可直謂古經定刑一字不可增損也

二十八日掩櫬其日俟大昇輦至櫬宮侍中詣大昇輦
前俛伏跪奏稱侍中臣某言請哲文神武成孝皇帝靈
駕降輦升龍輅詣獻殿奏訖俛伏興有司捧梓宮升龍
輅入詣獻殿上訖俟掩櫬日時前行遷奠禮有司於梓
宮前陳設祭器實設禮料畢先引陪位官立定次引奉
禮郎已下入就位立定次行禮總護使詣獻殿梓宮前
立定禮直官贊躬拜總護使再拜在位官皆再拜舉哭

次引奉禮郎太祝太官令各入就位立定次引行禮總
護使詣盥洗位盥手帨手洗爵拭爵詣酒尊所跪執爵
俟太官令酌酒訖興詣梓宮前跪上香再上香三上香
奉禮郎奉幣行禮總護使受幣奠幣執爵三祭酒奠爵
俛伏興少立止哭俟太祝跪讀祝文訖行禮總護使再
拜舉哭在位官皆舉哭總護使復位又再拜在位官皆
再拜訖哭止次引總護使詣望_闕位奉禮郎太祝太官
令重行立定有司瘞祝幣訖退俟掩櫬時至引侍中詣
梓宮前俛伏跪奏稱侍中臣某言請哲文神武成孝皇
帝靈駕赴櫬宮奏訖俛伏興有司捧遷梓宮少傅引梓
宮即櫬宮畢權退俟梓宮進皇堂訖次引將作監掩櫬

宮太傅監察御史並監掩櫝宮次引少保復土九鍾內
謁者浴虞主訖以羅巾拭訖俟掩櫝宮將畢引內謁者
詣櫝宮前俛伏跪奏稱內謁者臣某言請哲文神武成
孝皇帝神靈上虞主訖奏俛伏興扶持夾啓啓匱覆訖
捧腰輿內侍捧遷虞主升腰輿至獻殿上南向權置定
次引內謁者詣虞主腰輿前俛伏跪奏稱內謁者臣某
言請哲文神武成孝皇帝虞主降輿升座內侍捧遷虞
主即座訖權退初掩櫝宮畢引太常卿行掩櫝宮之禮
並如遷奠之儀唯不用陪位官掩櫝宮行禮畢總護使
已下並易常服黑帶訖次詣虞主前行虞祭之禮如別

儀 十二月四日虞主渡江於權安奉虞禮儀使行奉

迎之禮 其日威儀僧道儀衛親從等並詣權安奉哲
文神武成孝皇帝虞主幄次前排立禮直官引禮儀使
都大主管官已下詣虞主幄前禱位立班定禮直官揖
躬拜禮儀使拜在位官皆再拜訖次引禮儀使升詣虞
主香案前拈筭上香再上香三上香執筭降復位再拜
在位官皆再拜訖次引禮儀使都大主管官升詣殿幄
分立定禮直官引內謁者詣虞主腰輿前俛伏跪奏稱
內謁者臣某言請哲文神武成孝皇帝虞主進行奏訖
俛伏興退次威儀僧道儀衛親從等前引禮儀使騎從
都大主管官并主管諸司等往來照管俟虞主進行至
重華宮門外禮儀使已下馬並權退以俟皇帝行奉迎

之禮 其僧道儀衛親從等止於重華宮門外退 同日文
武百僚常服黑帶出城奉迎虞主詣重華宮 同日皇
帝於重華宮門外奉迎虞主升殿行安神之禮 其日
皇帝詣重華宮門內御幄簾降禮直官太常博士太常
卿於幄前立定俟哲文神武成孝皇帝虞主至重華宮
門外禮直官太常博士引太常卿當幄前俛伏跪奏稱
太常卿臣某言請皇帝奉迎哲文神武成孝皇帝虞主
行安神之禮奏訖俛伏興退復位簾降前導官前導皇
帝出幄詣重華宮門外褥位南向立奏請拜皇帝再拜
訖扶持夾侍捧腰輿入門前導官前導皇帝步導虞主
升殿至几筵殿上權駐前導官前導皇帝詣殿上褥位

西向立次引內謁者詣虞主腰輿前俛伏跪奏稱內謁者臣某言請哲文神武成孝皇帝虞主降輿升座權安奉奏訖俛伏興退內侍官捧虞主升座前導官前導皇帝權歸几筵殿東廊御幄簾降前導官並權退次提舉官奏請太皇太后皇太后詣虞主前北向立內侍官啓匱于後以白羅巾覆之訖進太皇太后皇太后行安神燒香禮如宮中之儀訖退次前導官詣御幄前立御幄簾捲前導官前導皇帝詣虞主香案前北向立奏請皇帝上香再上香三上香又奏請拜皇帝再拜訖前導官前導皇帝詣褥位西向立俟內侍官啓巾捧匱覆虞主訖前導官前導皇帝歸几筵殿東廊御幄簾降禮直官

太常博士引太常卿當幄前俛伏跪奏稱太常卿臣某
言禮畢奏訖俛伏興前導官退以俟進名奉慰訖退
六日皇帝詣几筵殿行第七虞祭之禮第一至第六虞
有司行禮第七至第九虞皇帝親行禮其日有司設牙
床牲牢禮饌行禮時即前御史臺閤門太常寺先引文
武百官詣几筵殿裏外立定次禮直官引讀祝文官詣
殿上東向立進幣爵酒官詣殿上西向立酌酒官於殿
上酒尊之後北向立定次禮直官太常博士引太常卿
詣幄前立定皇帝入御幄簾降禮直官太常博士引太
常卿當幄前俛伏跪奏稱太常卿臣某言請皇帝行虞
祭之禮奏訖俛伏興退復位簾捲前導官前導皇帝出

幄詣殿上褥位西向立內侍啓虞主匱于後以白羅巾
覆之訖奏請拜皇帝再拜在位官皆再拜次內侍進盤
匱沃水奏請皇帝盥手內侍進巾又奏請皇帝帨手內
侍進爵又奏請皇帝洗爵內侍進巾又奏請皇帝拭爵
訖前導官前導皇帝詣虞主前奏請皇帝跪上香再上
香三上香進幣爵酒官搢笏跪先進幣次進爵酒又奏
請皇帝受幣奠幣執爵三祭酒于茅苴奠爵訖俛伏興
又奏請少立讀祝文官搢笏跪讀祝文訖奏請拜皇帝
再拜在位官皆再拜訖前導官前導皇帝還褥位西向
立奏請拜皇帝再拜在位官皆再拜訖內侍啓虞主巾
捧匱覆虞主訖前導官前導皇帝歸御幄簾降禮直官

太常博士次引大常卿當幄前俛伏跪奏稱太常卿臣

某言禮畢奏訖俛伏興退復位前導官退陪位行事官

以次退第八第九虞並如上儀十日皇帝行第八虞祭

之禮十三日行第九虞祭之禮十二日吏部尚書鄭僑

等議請以故宰臣贈太師魯國公謚文恭陳康伯配饗

孝宗廟廷從之十三日詔兩浙轉運司紹興府創蓋

櫓宮都監巡檢解舍并吏舍軍營等並依永思陵櫓宮

體例施行已而本府得其地在永思陵巡檢解舍之北

因命建焉十六日皇帝詣几筵殿行卒哭之禮其日

有司設牙床牲牢禮饌行禮時前御史臺閣門太常寺

先引文武百官詣几筵殿裏外立班定次禮直官引進

幣爵酒官詣殿上西向立引讀祝文官詣殿上東向立酌酒官詣殿上酒尊之後北向立定次禮直官太常博士引太常卿於幄前立定皇帝入御幄簾降禮直官太常博士引太常卿當幄前俛伏跪奏稱太常卿臣某言請皇帝行卒哭之祭奏訖俛伏興退復位簾捲前導官前導皇帝出幄詣殿上褥位西向立內侍啓虞主匱于後以白羅巾覆之訖奏請拜皇帝再拜在位官皆再拜次引內侍進盤匱沃水請皇帝盥手內侍進巾又奏請皇帝悅手內侍進爵又奏請皇帝洗爵內侍進巾又奏請皇帝拭爵前導官前導皇帝詣虞主前奏請皇帝跪上香再上香三上香進幣爵酒官搢笏跪先進幣次進

爵酒又奏請皇帝受幣奠幣執爵三祭酒于茅苴奠爵訖俛伏興又奏請少立讀祝文官楷笏跪讀祝文訖奏請拜皇帝再拜在位官皆再拜訖前導官前導皇帝還褥位西向立奏請拜皇帝再拜在位官皆再拜訖內侍啓虞主巾捧匱覆虞主訖前導官前導皇帝歸御幄簾降禮直官太常博士引太常卿當幄前俛伏跪奏稱太常卿臣某言禮畢奏訖俛伏興前導官退陪位行事官以俟進名奉慰訖退 十七日學士院製撰哲文神武成孝皇帝原廟殿名系隆太廟樂章名大倫詔恭依十八日神主祔廟皇帝行寧神奉辭之禮 其日儀仗鼓吹儀衛等於重華宮門外排立定禮直官太常博士

太常卿於帷
前立定皇帝
請几筵殿前
御帳簾降
禮直官太常
博士
此段加引太
常卿之上
行軍神奉
辭之禮奏
訖俛伏興
退復位簾
捲前導官
兩導皇帝
此段加出帷
之上

引太常卿當幄前俛伏跪奏稱太常卿臣某言請皇帝
出幄詣几筵殿上禱位西向立俟內侍啓虞主匱于後
以白羅巾覆虞主訖奏請拜皇帝再拜訖前導官前導
皇帝詣哲文神武成孝皇帝虞主香案前奏請皇帝上
香再上香三上香又奏請拜皇帝再拜訖前導官前導
皇帝詣殿門外御幄簾降禮直官太常博士引太常卿
於幄前立定次輦官擊腰輿詣几筵殿下置定禮直官
引內謁者詣虞主前俛伏跪奏稱內謁者臣某言請哲
文神武成孝皇帝虞主降座升輿進行奏訖俛伏興退
內侍官啓白羅巾以匱覆虞主訖扶持夾侍捧腰輿內
侍官捧虞主升虞輿訖輦官擊腰輿進行俟虞主將至

宮門御幄簾捲前導官前導皇帝導虞主進行至重華
宮門前導官前導皇帝詣禱位西向立內謁者詣虞主
前俛伏跪奏內謁者臣某言請虞主少駐奏訖俛伏興
退輦官置虞主腰輿定扶持夾侍輦官已下並權退俟
有司陳香案等畢前導官前導皇帝詣重華宮門外虞
主香案前北向立奏請拜皇帝再拜訖又奏請皇帝上
香再上香三上香又奏請拜皇帝再拜訖前導官前導
皇帝歸御幄簾降禮直官太常博士引太常卿當幄前
俛伏跪奏稱太常卿臣某言禮畢奏訖俛伏興前導官
退輦官擎虞主腰輿進行儀仗鼓吹儀衛前引禮儀使
都大主管官後從赴太廟 同日神主祔廟以成穆皇

皇成恭皇后配行晨裸之禮 前期有司設幄次於太廟南神門之外太廟奉安所捧神主腰輿詣幄次設浴斛案中香筆墨硯等告遷成穆皇后神主成恭皇后神主詣太廟南神門外幄次權行安奉以俟同時祔謁升外俟再拜訖前導虞主詣太廟櫺星門外下馬步導禮儀使都大主管官後從虞主至南神門外幄次權安奉訖禮儀使都大主管官前導官退歸幕次禁衛更牙排立祠祭官引宮闈令詣殿下再拜訖開殿空整拂神幄次引薦香燈官入詣殿下北向再拜訖升殿詣諸室立定有司前期設祭器實之皆如常事之儀太官令監視訖

內常侍詣神
主案前搢笏
捧神主置於
腰輿以白羅
巾覆之執笏
退次引
此段加扶持
之上

退次引光祿卿詣殿下禱位再拜訖升殿點閣畢次引
監察御史升殿按視訖俱退還齋所並服喪服祔享時
將至禮直官引禮儀使詣神主幄前稍南北向立次禮
直官引大都主管官詣神主幄前稍南北向立次禮直
官引大都主管官詣禮儀使之後稍東北向立次引內
常侍入幄搢笏捧孝宗哲文神武成孝皇帝神主詣浴
斛跪浴拭訖置于案執笏興退次引題神主官詣幄前
盥洗位西向搢笏盥手訖執笏入詣孝宗哲文神
武成孝皇帝神主案前搢笏跪題神主訖執笏興退有
司漆之次引扶持夾侍官捧腰輿官捧神主腰輿次于
虞主腰輿訖次引禮儀使詣虞主前俛伏跪奏稱禮儀

使具官臣某言請孝宗哲文神武成孝皇帝神靈上神
主奏訖俛伏興退復位立次太廟奉安所捧遷虞主詣
本廟丹寶殿權安奉次御史臺閣門太常寺分引宰執
使相文武百官入詣殿庭分東西相向立北上禮直官
贊者分引祔享行事官詣神門外揖位立定禮直官贊
揖次引太常卿丞協律郎次引監察御史奉禮郎太祝
太官令入就殿下席位北向立次引初獻兵部工部尚
書亞終獻入就殿下席位西向立祠祭官於殿上贊奉
神主次引薦香燈官入室搢笏奉帝王啓匱於後以白
羅巾覆之執笏退復執事位引宮闈令搢笏奉后主如
上儀以青羅巾覆之執笏退復執事位祠祭官於殿上

贊奉神主訖候太史報時及禮直官引內謁者詣神主
幄前西向俛伏跪奏稱內謁者臣某言請孝宗哲文神
武成孝皇帝成穆皇后成恭皇后神主進行奏訖俛伏
興次詣神主腰輿前徹巾奉神主入匱訖次贊者引扶
侍夾侍捧腰輿內侍詣幄捧腰輿進行內謁者前導禮
直官引禮儀使都大主_廟官後從入南神正門詣泰階
下北向禁衛退御史臺閣門太常寺分引宰執使相文
武百僚合班北向立定次內謁者詣殿下禱位南向俛
伏跪奏稱內謁者臣某言請孝宗哲文神武成孝皇帝
成穆皇后成恭皇后神主少駐俛伏興少退立禮直官
引都大主管官先退次禮直官引禮儀使升自泰階詣

殿上當中褥位北向俛伏跪奏稱禮儀使具官臣某言
請孝宗哲文神武成孝皇帝成穆皇后成恭皇后神主
祔謁奏訖俛伏興退復本班位次引宮闈令詣殿下帝
后神主腰輿前楷笏捧帝后神主升自泰階詣殿上當
中褥位北向啓匱權奉孝宗哲文神武成孝皇帝神主
于座以白羅巾覆之次奉成穆皇后神主成恭皇后神
主如上儀以青羅巾覆之其匱皆設于座後捧腰輿內
侍并扶持夾侍官並退宮闈令執笏興少立俟祔謁訖
宮闈令楷笏跪奉孝宗哲文神武成孝皇帝神主入匱
并奉成穆皇后神主成恭皇后神主入匱興詣孝宗室
各啓匱奉神主于座各以巾覆之其匱設于座後宮闈

令執笏退復執事位禮直官贊有司謹具請行事贊者
曰再拜在位官皆再拜訖次引押樂太常卿丞協律郎
詣樂架立定次引監察御史奉禮郎太祝太官令各升
殿就位立定次禮直官引初獻詣盥洗北向立搢笏盥
手悅手執笏詣爵洗位北向立搢笏洗瓚拭瓚訖以瓚
授執事者執笏升殿詣太祖室尊與所西向立執事者
以瓚授初獻初獻偃笏跪執與者舉罍太官令搢笏跪
酌鬱鬯訖執笏與先詣太宗室尊與所北向立初獻以
瓚授執事者執笏與入詣太祖室北向立搢笏跪次奉
禮郎奉瓚授初獻初獻執瓚以鬯裸地奠瓚次執事者
以幣授奉禮郎奉禮郎奉幣以授初獻訖執笏與先詣

太宗室前西向立初獻受幣奠訖執笏俛伏興出戶外
再拜訖次詣太宗室次詣真宗室次詣仁宗室次詣英
宗室次詣神宗室次詣哲宗室次詣徽宗室次詣欽宗
室次詣高宗室次詣孝宗室裸鬯奠幣並如上儀訖俱
復位宮架作興安之樂孝熙昭德之舞九成止既晨裸
薦香燈官取毛血奠於神座前太官令取肝以鸞刀割
之洗於爵鬯貫之以骨燎於爐炭薦香燈官以肝腎詔
於神座又以隨祭三祭于第直退復位饋食之禮
亨日有司設俎二十二於神厨各在鑊右進饌者詣厨
升羊於鑊載於一俎肩臂膊肱胫正脊一直脊一橫脊
一長脊一短脊一代脊一胛二胛以並具載于俎肩臂

膈在上端，肱胫在下端，脊脅在中。升豕如羊，載於一俎，豕熟十一體如羊。執事者入設於饌，慢內俟。初獻既升，晨裸捧俎官及執事者捧俎入詣西階下，於左右次引兵部尚書、工部尚書詣西階下，各措笏奉俎升殿。宮架作豐安之樂，奉俎詣太祖室，北向跪奠訖，先薦羊次薦豕，執笏俛伏，與有司設置於豆右。腸胃膚之前，羊在左，豕在右。次詣諸室奉俎，並如上儀。俱降復位，立樂止。初奠俎訖，次引薦香燈官取蕭合，泰稷搗手脂燎於爐炭，當饋熟之時，薦香燈官取苴櫛於醴，祭於豆間。三又取泰稷肺祭如初，俱藉以茅，退復位。引初獻再詣盥洗位，宮架正安之樂作。初獻升降行止，皆作正安之樂。北

徽宗室承
元之樂
欽宗室承
元之樂

卷之三

四

向立播笏盥手悅手執笏詣爵洗位北向立播笏洗爵
拭爵訖以爵授執事者執笏升殿樂止登歌樂作詣太
祖室酌尊所西向立樂止登歌皇武之樂作太宗室大
定之樂真宗室熙文之樂仁宗室美成之樂英宗
室治隆之樂神宗室大明之樂哲宗室重光之樂

欽宗室瑞慶之樂高宗室大德之樂孝宗室大

倫之樂執事者以爵授初獻播笏跪執爵執尊者舉罍
太官令播笏跪酌犧尊之醴齊訖先詣太宗室酌尊所
北向立初獻以爵授執事者執笏興入詣太祖室北向
立播笏跪執爵三祭酒于茅苴奠爵執笏俛伏興出戶
外少立次太祝東向播笏跪讀祝文訖執笏興先詣太

宗室東向立初獻再拜次詣諸室行禮並如上儀太官
令復詣太祖室酌尊所太祝復位初獻將降階登歌樂
作降階樂止宮架樂作復位樂止文舞退武舞進宮架
正安之樂作舞者立定樂止次引亞獻詣盥洗位北向
立搯笏盥手帨手執笏詣爵洗位北向立搯笏洗爵拭
爵訖以爵授執事者執笏升殿詣太祖室酌尊所西向
立宮架作武安之樂禮洽儲祥之舞執事者以爵授亞
獻亞獻搯笏跪執爵執尊者舉冪太官令搯笏跪酌象
尊之盞齊訖執笏興先詣太宗室酌尊所北向立亞獻
以爵授執事者執笏興入詣太祖室北向立搯笏跪執
事者以爵授亞獻亞獻執爵三祭酒于茅苴尊爵訖執

笏僂伏興出戶外再拜訖次詣諸室行禮並如上儀初
亞獻行禮將詣第三室次引終獻詣洗及升殿行禮並
如亞獻之儀訖樂止降復位次引太祝徹籩豆籩豆各一具少移故處登歌恭安之樂作卒徹樂止次引宮闈
令束茅訖俱復位禮直官曰賜胙贊者承傳曰賜胙再
拜在位官皆再拜訖送神宮架興安之樂作一成止祠
祭官於殿上贊奉神主入祔室次引薦香燈官搢笏奉
帝主入祔室執笏退復位次引宮闈令奉后主入祔室
訖次引初獻兵部工部尚書亞終獻詣殿下望座位立
定有司取幣帛束茅置於坎次引監察御史太常卿丞
奉禮郎協律郎太祝就望座位禮直官曰可座奠土半

坎本廟宮闈令監視次引初獻以下詣神門外揖位立
定禮直官贊畢揖訖退御史臺閣門太常寺分引宰
執使相文武百僚以次退太官令帥其屬徹禮饌次引
監察御史詣殿上監視收徹訖還齋所宮闈令闔戶訖
以降太常藏祝版於匱次光祿卿以昨奉進監察御史
就位展視光祿卿望闕再拜而退慶元元年正月十
九日詔櫝宮了畢官吏推賞有差餘依淳熙十五年六
月已降指揮施行內兩該人止從一重二十一日右
丞相趙汝愚辭免孝宗祔廟後轉三官乞只轉一官上
曰宰相與百執不同豈可只轉一官三月十六日禮
部太常寺言將來孝宗哲文神武成孝皇帝小祥前後

五日不視事臣僚見辭權故依禮例命輔臣至權侍郎
以上正任觀察使皇親遙郡防禦使以上詣几筵殿行
奠醑禮七月八日同九日小祥車駕詣重華宮几筵殿

行祭奠禮如宮中之儀禮畢次御史臺閣門太常寺分
引宰執文武百僚詣几筵殿內外立班再拜訖引班首
升殿詣香案前三上香降階再拜訖次進名奉慰其不
係從駕官先詣壽康宮以俟立班奉慰訖並赴仙林普
濟院行香如忌辰行香之儀訖班退 十七日詔孝宗
皇帝櫬宮昨值寒凍修奉迫於期限慮有損動去處令
有司逐一子細檢計以聞 二年正月二十六日禮部
太常寺言將來六月九日孝宗哲文神武成孝皇帝大

祥合禁屠宰三日諸路州府軍監各就寺觀請僧建道
場七晝夜罷散日設醮一座應官僚合於佛寺設位集
僧道行香令都進奏院遍牒施行從之六月一日禮
部太常寺言勘會已降指揮六月九日^大祥禮畢皇帝
及百官並從吉服每遇祖宗帝后忌辰日并忌前一日
皇帝服忌日之服今來雖已從吉是日皇帝仍服忌日
之服還內所有百僚俟焚几筵畢服常服黑帶就重華
宮進名奉慰次赴壽康宮進名奉慰次赴仙林普濟院
行香並純吉服退從之九日太祥皇帝詣几筵前行
祥祭之禮其日夙興太常入陳祭器供設禮饌於几
筵殿文武百僚不係從駕者並先赴重華宮門外以俟

迎駕起居其日皇帝御後殿從駕臣僚禁衛起居如閤
門儀皇帝御座東轎將至重華宮文武百僚迎駕兩拜
起居訖權退歸幕次以俟奉慰立班如值雨雪濕免起
居皇帝至重華宮降輦入詣孝宗皇帝几筵殿側御幄
簾降援衛几筵禁衛及僧道於殿門外排立定次引進
幣爵酒讀祝文酌酒官入殿及執燭等官並先升殿各
就位立定次引禮儀使陪位官宗室使相郡王南班宗
室各入就位禮儀使前導執事陪位官供進盥匱等內
侍官及侍衛之官並服衰服

次禮直官太常博士太常

卿於御幄前立定俟皇帝服祥服訖次禮直官太常博
士引太常卿當幄前俛伏跪奏稱太常卿臣某言請皇

帝為孝宗哲文神武成孝皇帝大祥行祥祭之禮奏訖
俛伏興退復位簾捲前導官前導皇帝出幄舉哭在位
官皆舉哭詣殿上褥位西向立太常卿奏請拜皇帝再
拜在位官皆再拜訖內侍各執盤匱帨巾以進奏請皇
帝盥手內侍進盤匱沃水皇帝盥手內侍進巾奏請帨
手皇帝帨手訖內侍進爵沃水奏請皇帝洗爵內侍進
巾奏請拭爵皇帝拭爵訖前導官前導皇帝詣孝宗哲
文神武成孝皇帝几筵前褥位立奏請皇帝跪上香再
上香三上香進幣酒官跪先進幣次進爵酒又奏請皇
帝受幣奠幣執爵三祭酒於茅苴奠爵訖俛伏興奏請
皇帝少立哭止在位官皆哭止讀祝文官跪讀祝文訖

奏請拜皇帝再拜在位官皆再拜訖前導官前導皇帝還褥位西向立奏請拜皇帝再拜在位官皆再拜訖前導官前導皇帝歸幄簾降次禮直官太常博士引太常卿當幄前俛伏跪奏稱太常卿臣某言畢奏訖俛伏興退復位立前導官陪位等官並權退次引禮儀使執事官詣望燎位立俟焚燎祝幣訖權退太常撤祭器禮饌訖俟几筵欽奉所別設香案茶酒果等訖提舉官奉請太皇太后皇太后行禮畢退 同日除几筵 其日焚几筵時前俟皇帝行祥祭禮畢及太皇太后皇太后行禮畢次禮直官太常博士太常卿於御幄前立定次禮直官太常博士引太常卿當幄前俛伏跪奏稱太常卿

臣某言請皇帝躬親扶護几筵奏訖俛伏興退復位簾捲前導官前導皇帝出幄詣殿上禱位西向立太常卿奏請拜皇帝再拜舉哭前導官前導皇帝躬親扶護神

御

內侍官分左右扶護

至東南權安奉訖哭止前導官

前導皇帝歸幄簾降前導官於幄前立定次太常入陳祭器供設禮饌訖次引進幣爵酒讀祝文酌酒官執燭等官先升殿各就位立定次引禮儀使陪位官宗室使相郡王南班宗室各入就位次禮直官太常博士引太常卿當幄前俛伏跪奏稱太常卿臣某言請皇帝為孝宗哲文神武成孝皇帝大祥除几筵行祭奠之禮奏訖俛伏興退復位簾捲前導官前導皇帝出幄舉哭

在位

官皆舉哭詣殿上褥位西向立太常卿奏請拜皇帝再拜在位官皆再拜訖內侍各執盤匱帨巾以進奏請皇帝盥手內侍進盤匱沃水皇帝盥手內侍進巾奏請帨手皇帝帨手訖內侍進爵沃水奏請皇帝洗爵內侍進巾奏請拭爵皇帝拭爵訖前導官前導皇帝詣孝宗哲文神武成孝皇帝几筵前褥位立奏請皇帝跪上香再上香三上香進幣爵酒官跪先進幣次進爵酒又奏請皇帝受幣奠幣執爵三祭酒于茅苴奠爵訖俛伏興奏請皇帝少立哭止在位官皆哭止讀祝文官跪讀祝文官跪讀祝文訖奏請拜皇帝再拜在位官皆再拜訖前導官前導皇帝還褥位西向立奏請拜皇帝再拜在位

官皆再拜訖前導官前導皇帝歸幄簾降次直官太常
博士太常卿當幄前俛伏跪奏稱太常卿臣某言禮畢
奏訖俛伏興退復位前導陪位等官退次引禮儀使執
事官詣望燎位立俟焚燎祝幣訖退次引宗室使相郡
王南班宗室詣殿下分左右立次引禮儀使升詣几筵
前俛伏跪奏稱禮儀使臣某言請孝宗哲文神武成孝
皇帝几筵降座升輦輿奏訖俛伏興退東向立次內
侍官扶護几筵升輦輿輦官捧擎進行宗室使相郡王
南班宗室分左右導引禁衛援衛及僧道作法事迎引
禮儀使後徙至焚几筵處俟輦輿過退有司俟時焚訖
並退皇帝還內如來儀 八月十六日禪祭皇帝行禪

祭之禮 其日夙興太常入陳祭器供設禮饌訖文武百僚不係從駕者並先赴重華宮門外以俟迎駕起居其日皇帝服靴袍御後殿從駕臣僚禁衛起居如閣門儀皇帝降御座東差右丞相京鏜奉謚冊寶攝太傅差參知政事兼知樞密院事謝深甫讀謚寶攝侍中差參知政事何澹讀謚冊攝中書令差簽書樞密院事葉翥同日禮部太常寺言討論今來欽宮下宮乞依永祐陵禮例太行太皇太后御容於永思陵下宮後殿憲節皇后之次安設帳座崇奉從之 二月三日禮部太常寺言將來奉上謚冊寶依禮例前二日奏告天地宗廟社稷宮觀從之 四日禮部太常寺言國朝禮制皇帝

行虞祭卒哭祭並用鞞袍紹興二十九年用素黃袍黑帶素履今來皇帝既用期制亦難以便行降殺且從前項典故服見今所服皂幘頭黃袍黑鞋屏帶素履行事候祔廟畢別行取旨從之 八日攝太傅京鏜率百官奉上憲聖慈烈皇后謚冊寶 前一日奉上謚冊寶太傅讀冊中書令讀寶侍中奉謚冊官奉謚寶官舉冊官舉寶官並常服黑帶詣祥曦門外幕次太常寺贊引祇應人禮部職掌及儀衛親從官等並於殿門外排立內侍官請降謚冊寶出祥曦殿門奉謚冊寶官受冊寶於殿門上幄次權置禮直官引太傅以下詣殿門下隨地立班再拜訖如值雨或泥渾免拜權退側身立儀衛進

行太傳以下步從至宮門上馬騎從至太廟櫺星門外
幄次有司捧冊寶權入幄次應騎從官入降次禮直官
太常博士引太常卿當幄前俛伏跪奏稱太常卿臣某
言禮畢奏訖俛伏興退復位次前導陪位官退次引禮
儀使執事官詣望燎位立俟焚燎祝幣訖退皇帝還內
如來儀次宰執率文武百僚詣慈福宮奉慰次赴壽康
宮奉慰訖次仙林普濟院行香訖退宋史高宗吳皇后
喪太后之號時光宗疾未平不能執喪宰臣請垂簾主
喪事太后不可已而宰執請如唐肅宗故事羣臣奔喪太
極殿成服禁中許之皇后代行祭尊禮尋用樞密趙汝愚
請於梓宮前垂簾宣光宗代行祭尊禮尋用樞密趙汝愚
日冊夫人韓氏為皇后徽宗手詔立皇子嘉王為皇帝
聖太后垂簾主喪蓋是時正等之請出簾也以國本係
乎嘉王欲因簾前奏陳宗社之計使命出簾帷之間事
行廟堂之上則體正言順可無艱而吳璠素畏慎且以

祭一與絃止遐諫辛雜大祠秀乃德魚元權臣併惟祥后
今日故所宜之給丑記又諫所謀秀鞍之用羅定我詔戚
禮皇六奏傲初舍監孝初議主所屢轎政黑點臣阜羣不
官帝月引古太限察宗之大濟以進不始帶等下陵臣欲
檢御九古方上三御之請夫即相鯁以以公議執方服與
照正日據喪聖日史喪加朱贈臧言文小服令喪哀純閏
累殿大經之體集胡上竄端與畏上綉祥時羣之服吉大
朝饗祥別服連議絃實經常繼公皆此從序臣禮三年真計
禮祖禮恤以豫釋言以上又而議虛於吉仍易此年德此
例廟畢明為就服皇嫡曰初殿木心羣且臨月千朝考議
施以皇徽服宮史帝孫仲之中敢開臣帝愆之載衣爭竟
行全帝委昨中部為行尼落侍發納何不後無朝之格
四權及是來行尚孝三不職御給而損以大未窮冠曰
月制百允有三書宗牛為罷史舍時於金祥釋之皆自戊
庚屈官當司年葉當服已祠莫王相朝程始哀憾以漢辰
戊仲並欲失之翦服慶甚監澤堅益儀不除服近大文修
詔之純從於喪等期元乃察遂盛嚴何傷憚之始與駁德黨
羣義吉所討皇言招二年史之始與駁德黨
臣將服請論帝孝侍年史之始與駁德黨
所來七參今受宗從三朝梁成職德黨
議禱月以胡禱升臺月野成職德黨

雖合禮經然於朕追慕之意有所未安早來奏知太
太后宜從所議朕躬奉慈訓敢不遵依議狀可付外
行之制六月初辛亥徙於太常少卿使草定其禮七月
親行饗太廟如故事焉

宋會要

光宗 喪禮下

慶元六年八月八日聖安壽仁太上皇帝崩于壽康宮
壽康殿遺詔曰吾以涼德受禪孝宗勵精圖回六更寒
暑志近道遠焦勞成疾爰以神器畀于嗣聖退處北宮
專意調養以冀康寧之福七年于茲小愈復增連遭拜
釁積憂熏心重涉炎歎益費將理皇帝方在哀疚復朝
夕左右躬侍藥膳齋戒專精祈禱備至大數莫奪竟底
彌留夜旦之常此理數究得所付託無遺憾矣壽成惠
慈皇太后可尊為太皇太后將來敝几延畢壽康宮可
撥還大內皇帝成服三日聽政喪紀以日易月羣臣共

為寬釋勿過推傷百官入臨隨地之宜諸道州府長吏
以下三日釋服在京禁音樂百日在外一月無禁祠祀
嫁娶沿邊不用舉哀本宮見在金銀一百萬貫撥付朝
廷給散內外諸軍山陵制度務從儉約不在誥中者皆
取皇帝處分更賴中外臣僚協心戮力翊扶庶政以副
至懷故茲遺誥想宜知悉其日文武百僚常服黑帶入
詣殿下立班定禮直官引班首出班於班前南向立搢
笏宣遺誥訖歸位並舉哭一十五音再拜移班稍南立
班首稍前立躬身致詞奉慰壽成惠慈皇太后次奉慰
皇帝皇后歸位各再拜訖退 同日詔聖安壽仁太上
皇帝升遐令有司疾速討論典禮施行 同日詔內侍

李大謙充都大主管喪事依舊兼大行太上皇后都大

主管喪事大行太上皇后提點事務內侍楊端友改差

充大行太上皇帝升遐同都大主管喪事內侍毛居實

充造梓宮官 同日禮部太常寺言文武百僚朝晡臨

於宮庭內外文武百僚並詣殿下立班再拜訖禮直官引首詣香案前楷笏三上香出笏歸位舉

再拜訖班退自小祥後至禫祭朝一臨自是七日皆朝

臨四十九日而止禫祭除後山陵前每遇朔望羣臣並

朝臨進名奉慰皇太后皇帝皇后成服日大小祥從之

同日禮部太常寺言檢照典故初喪日皇帝合服白

羅袍黑銀帶絲鞋白羅軟折上巾成服日皇帝布斜巾

四脚裙袴冠帽竹杖腰經直領大袖布欄衫白絹襯衫

皇帝視事日去杖首經小祥日改服布四脚直領布欄
衫腰經布袴大祥日服素紗軟脚折上巾淺黃袍黑銀
帶皇太后皇后貴妃內外命婦麤布蓋頭衫帔首經絹
襯服六宮內人無帔合服麤布蓋頭長衫裙首經絹襯
服內外命婦合入臨人仍加冠吳興郡王合服布頭冠
布斜巾四脚大袖欄衫裙袴腰經竹杖絹襯衫並下文
思院製造羣臣服制並斬衰服斬衰謂中書門下省樞
密院使副尚書翰林學士節度使金吾上將軍文武二
品以上布頭冠布料巾布四脚大袖欄衫裙袴首經腰
經竹杖絹襯服文武五品以上并職事官監察御史以
上內客省宣政昭宣知閤門事及入內都知押班布頭

冠幘頭大袖襴衫袴腰經自餘文武百僚三省樞密院
書令史以上及御史臺閤門太常寺引班祗應人布幘
頭襴衫腰經已上並合用麤麻布為屨並下臨安府製
造軍人百姓等白衫帽婦人素纓不花釵三日止並從
之 同日禮部太常寺言檢照典故御前禁衛行門班
直親從快行親事輩官等自成服日前並服青紫或褐
衫帶子至釋服日並依舊自成服日至釋服日前如遇
朝殿亦服青紫或褐衫帶子從之 同日禮部太常寺
言檢照典故一自舉哀日皇帝不視事擇日成服一擇
日奏告天地宗廟社稷諸陵一自舉哀至祔廟停宗廟
祭享并中小祠及禁樂一欲令臨安府禁屠宰三日一

將來孟冬朝獻乞依典故權停從之 同日禮部太常寺言檢照典故成服日至釋服日前遇朝殿所有合用簾幕並用縞素其輦輿并御龍直執打從物等權用淺黃包裹從之 同日詔辰日不得忌哭 九日詔令來大行聖安壽仁太上皇帝升遐所有應合行典禮及支費賞賜等並依高宗皇帝升遐典故施行 同日禮部太常寺言檢照乾興元年典故大殮前延慶殿陳生平服玩及珠襦玉匣含襚應入梓宮之物今來大殮欲乞依上件典故施行從之 十一日禮部太常寺言檢照舊制喪服以日易月二十七日而除行在諸軍統制統領官免入臨就寨掛服將副部隊將管隊使臣陞朝官

以上及將校副指揮使以上常服哭於本營三日止常
日朝殿祇應排立行門禁衛班直將校副指揮使以上
并御前忠佐俟百官臨即哭於殿門外在外監司州軍
縣鎮長吏以下服布四脚條幘直領襴衫上領腰經麻
朝晡臨三日而除沿邊不用舉哀應士庶婚嫁服除外
不禁內外品官禁樂二十七月京城內外民庶自舉哀
至祔廟合行禁樂諸路州縣等內寺觀自闕報到日修
建道場七晝夜禁屠宰三日民庶等禁樂百日沿邊軍
中及在外諸軍軍行教閱不禁從之 十二日禮部太
常寺言檢照典故龍圖等閣祖宗神御殿權停節序旦
望帝后生忌辰酌獻過易月大祥依舊未祔廟前每遇

大祠奏告等行事官權改吉服用樂去處備而不作百官不入臨日皇帝未聽政前並進名起居釋服後祔廟前遇朔望不御前後殿並進名奉慰從之 同日禮部

太常寺言檢照典禮小祥日皇帝改服布四脚直領布襴衫腰經布袴文武百官五品以上并職事官監察御史以上內容省宣政昭宣使知閤門入內都知押班改服布襴頭布襴衫腰經布袴大祥日皇帝改服素紗軟折上中淺黃袍黑銀帶合赴立班文武官三省樞密院書令史以上及御史臺閤門太常寺引班祗應人合服禪服係素紗軟脚襴頭黥公布服白鞋錫帶故例襴頭令臨安府製造給散其黥布公服錫帶止令本禪除日皇帝釋黥府各支布一匹半自今包裹製造

常服文武百官如之繫金玉帶佩魚者易以黑帶去魚
乘花繡鶻絨座者易以皂鶻去絨座宗室出則常服居
則衰服依服屬終喪從之 同日禮部太常寺言儉照
典禮禪除前壽康宮內侍官依所定官品服制其餘內
侍官遇到宮行禮合依所定服制遇從駕及出入和寧
門合常服黑帶從之 同日禮部太常寺言百司於以
日易月服制之內入局治事即不合易服從之 同日
禮部太常寺言依典故皇帝釋黻常服羣臣如之宗室
出則常服居則衰服以終喪今來宗室合隨羣臣釋服
外仍合依服屬終喪其婚嫁各依服屬終喪日許令婚
嫁從之 十三日禮部太常寺言依典故文武臣僚之

家至山陵祔廟畢並許嫁娶仍不用花綵候開樂日依舊從之 十四日禮部太常寺言將來神主祔廟合於太廟內添一室修製祐室乞下臨安府兩折漕司先相度修蓋從之 同日大殮成服行祭奠之禮其日儀鸞司先設素幄於几筵之側稍前時將至分引行事陪位官易服就位立班定皇帝服素服詣大行太上皇帝几筵側素幄即座太史奏時及禮直官太常博士引太常卿當幄前俛伏跪奏太常卿臣某言請皇帝為大行聖安壽仁太上皇帝升遐成服奏訖俛伏興內侍官為皇帝釋素服易哀服禮直官引讀祝文官詣香案北面南立簾捲前導官前導皇帝出幄詣殿上褥位北向立奏

請拜皇帝再拜哭在位官皆再拜哭前導官前導皇帝
詣香案前奏請三上香跪內侍進茶酒奏請酌茶三奠
酒俛伏興奏請少立俟讀祝文官稍前跪讀祝文訖奏
請皇帝哭盡哀在位官皆哭盡哀奏請拜皇帝再拜在
位官皆再拜前導官前導皇帝還褥位北向立奏請拜
皇帝再拜在位官皆再拜前導官前導皇帝還幄簾降
太常卿奏禮畢退百官移班稍南進名班首出班致詞
復位再拜奉慰壽成惠慈皇太后次進名再拜奉慰皇
帝次進名再拜奉慰皇后訖班退 同日立銘旌高九
尺書大行聖安壽仁太上皇帝梓宮 同日立重 周
日殿櫝行燒香之禮 前一日儀鸞司先設素幄於大

行太上皇帝殿櫝方位之東稍前其日祭時至都大主

管喪事官行祭土之禮以俟大史報時及導奉大行太

上皇帝梓宮至殿櫝方位

其合用儀物今都大主管喪事官供應

都大主

管喪事官監視殿櫝訖分引行事陪位官就位立班定

皇帝服哀服復詣素幄即座禮直官太常博士引太常

卿當幄前俛伏跪奏稱太常卿臣某言請皇帝為大行

聖安壽仁太上皇帝殿櫝行燒香之禮奏訖俛伏興禮

直官引讀祝文官詣案北向南立簾捲前導官前導皇

帝出幄詣殿上褥位北向立奏請拜皇帝再拜哭在位

官皆拜哭前導官前導皇帝詣香案前奏請三上香跪

內侍進茶酒奏請酌茶三奠酒俛伏興奏請少立俟讀

祝文官稍前跪讀祝文奏請皇帝哭再拜在位官皆哭
再拜跪前導官前導皇帝還褥位奏請拜皇帝拜拜在
位官皆再拜訖前導官前導皇帝還幄簾降太常卿奏
禮畢退百官移班稍南進名班首出班致詞復位再拜
奉慰壽成惠慈皇太后次進名再拜奉慰皇帝次進名
再拜奉慰皇后訖班退 同日禮部太常寺言已降指
揮御前禁衛等自成服日並服青紫或褐衫帶子至揮
服日依舊其輦輿從物等權用淺黃色褰及依典故禪
服畢文武官有繫金玉帶及佩魚者易以黑帶仍去魚
其乘花繡轎狨座者易以皂轎俟祔廟畢別降指揮令
承禪除畢百官常服黑帶所有禁衛等并輦輿從物乞

候榑廟畢取旨從之

同日詔大行聖安壽仁太上皇

帝升遐應干支費並照應高宗皇帝升遐例內庫及封

樁庫支降免侵有司經常之費諸路監司州府軍監等

止進慰表其餘體物並令免進仍不得以助修橫宮為

名有所貢獻 同日御筆大行太上皇帝奄棄至養朕

宮中服三年之喪厚臣自遵易月之令 同日詔右丞

相謝深甫擬撰大行聖安壽仁太上皇帝陵名

深甫上陵名曰

永崇詔 十六日詔臨安府應已買過鋪戶客旅物件日

下從實盡支價錢交還稍有阻抑及輒除冠許經御史

臺陳訴 同日詔總護使差韓侂冑按行使副差韓敷

黃鑑橋道頓遞使差吳璫修奉都監差吳曦鈐轄差續

康伯 同日詔朝奉郎右司郎中李寅仲假煥章閣學士朝議大夫提舉萬壽觀兼侍讀咸安郡開國侯食邑一千戶食實封壹伯戶賜紫金魚袋充奉使金國告哀使從義郎左衛郎將張良顯假福州觀察使右武衛上將軍德化縣開國伯食邑七百戶副之 十七日禮部太常寺言檢照典禮皇帝聽政未釋服前其引班人如行弔臨之禮即依舊服衰經如遇內殿引班奏事及從駕合常服黑帶皇帝視事日宰執奏事令去杖至小祥日去冠餘官奏事依此從之 十九日禮部太常寺言已降指揮禪除後山陵前每遇朔望羣臣並朝臨筵名奉慰太皇太后皇帝皇后所有將來九月十五日係在

明堂大禮致齋之內欲乞是日皇帝免詣几筵殿燒香

文武百僚亦免入臨奉慰從之 二十日小祥行祭奠

之禮如永阜歲之儀二十七日禮部太常寺言將來梓宮發引

及神主祔廟合用法物並下文思院製造從之 二十

八日詔謚冊寶并沿冊寶法物哀冊并沿冊法物並下

文思院製造 同日詔撰謚冊文并書謚冊文官差右

丞相謝深甫撰哀冊文并書哀冊文官差知樞密院事

兼參知政事何澹書篆寶文官差簽樞密院事陳自強

撰謚議官差起居舍人無權中書舍人無權直學士院

邵文炳 九月二日大祥行祭奠之禮如永阜歲之儀三日禮

部太常寺言乞依故例集議謚號于尚書省從之 四

日禋除行祭奠之禮

如永阜陵之儀

七日詔皇堂內榑令有司

用沙板隨宜修製候將來掩皇堂時先下榑底板候進
榑宮於榑底上定正訖然後安下榑身次將天盤彙綱
於榑上榑宮已有牙脚其榑止用平底可就修奉櫓宮
處製造 十九日總護使韓侂冑言將來榑宮發引尚
慮州縣以排辦為名亂有追呼緊繫科擾乞出給黃榜
曉諭仍乞劄下諸使諸司并經由監司州郡縣鎮體認
恤民之意如或違戾許令被擾之人指實越訴具名奏
劾重寘典憲從之 二十二日禮部太常寺言檢照典
故山陵皇堂神臺及上宮等不同令來條修奉櫓宮乞
依高宗皇帝禮例施行從之 同日又言櫓宮內合用

十二神等乞下文思院修製從之 二十四日按行使
副韓遯黃鑑言判太史局荆大聲等相視得大行太上
皇帝神位係在永阜陵西永思陵下空閑地段委是國
音王氣秀聚之地依得尊卑次序可以安建乞差官覆
按詔吏部尚書兼侍讀袁說友充覆按使入內內侍省
押班盧安仁副之既而說友等亦以為是廼從之 同
日禮部太常寺言將來梓宮發引前夕并沿路導引宿
頓排設合用警場鼓吹挽歌依故例係總護頓遞使同
都大主管官禮部太常寺官於發引前二日就貢院按
閱從之 挽詞翰林學士中書舍人撰二十首大臣職
事官以上各撰二首導引歌詞學士院撰 同日又言

發引日合用鹵簿儀仗衛服青紫褐衫執持儀物充代
乞令主管禁衛所前期相度差撥從之 同日又言依
禮例發引日總護使頻遞使都大主管官就恆次前朝
辭餘行事官並免從之 同日内出御製挽詩五首
其一曰問寢長清禁宿空遽白雲萬方懷覆育六載想
憂勤虛己未辰告稽經每夜分遺言猶薄奔不起霸陵
墳其二曰德盛兼神聖仁深似祖宗繁幾勞聽斷高蹈
適從容日謹承尊養天胡降閔凶稽山傳禹葬僊寢又
闔封其三曰顧復恩勤厚基圖父子傳雖懷心愛日曷
報德如天太極方同運神機倏已僊可勝殂落痛得疾
為民編其四曰疊深涼德薄禍踵數旬餘母範成真馭

喪容正倚廬尚成慈父養又愴大庭虛號絕羹牆慕奎
文但寶書其五曰祖載僊輜去因山浙水東銘旌愁落
照挽鐸咽悲風鳳翼羣靈擁烏號兆姓同嫫嫫心欲折
哭踊望陵宮 三十日禮部太常寺言今來靈駕前所
立重乞依典禮俟發引日捧擎至櫬宮令大史局選利
方至掩櫬日埋瘞從之 十月一日詔朝散大夫吏部
郎中兼刑修敕令官丁常任假朝議大夫工部尚書清
化郡開國侯食邑一千戶食實封一百戶賜紫金魚袋
差充太上皇帝遺留禮信使武翼郎左驍衛中郎將郭
棖假嚴州觀察使知閤門事兼客省四方館事安仁縣
開國伯食邑七百戶副之 五日詔將來請謚于南郊

攝太傅差右丞相謝深甫讀謚議官差權吏部侍郎兼
給事中費士寅 六日攢宮修奉司言今來修奉攢宮
所有下宮俟標定上宮地段畢依永阜陵禮制於上宮
之後隨地修蓋從之 八日攢宮修奉司言將來鋪砌
皇堂石藏照得高宗皇帝孝宗皇帝石藏裏明長一丈
六尺二寸闊一丈六寸深九尺今乞依上件高低深闊
丈尺修奉施行從之 二十五日禮部太常寺言將來
梓宮發引日大輦龍輜車並在壽康宮前排設委是擁
遏乞依典故除啟奠行禮太傅宰執總護使皇親行事
侍中以下前導等官外餘文武官並免立班徑赴城外
奉辭靈駕從之 二十七日攝太傅謝深甫率百官請

謚於天

如永阜
陵之儀

同日攝太傅謝深甫等請大行聖安壽

仁太上皇帝謚曰憲仁聖哲慈孝皇帝廟號光宗議曰

臣聞至大而不可名者天至盛而不容述者聖聖人之

道實原於天而功德之盛與天同大堯舜相繼勛華並

稱逮文命之祗承昭神禹之授受心傳微妙精一執中

廣運而神誠難俄測而帝舜兩申命於惟賢孔子三致

意於無間於是禹之為大古今同辭流祚揚休相為先

後亦猶欽明文思溫恭濟哲隨事以著推類以言金衆

異而歸全猶可得而髣髴也繫我神宋同符帝王太祖

肇基太宗踐祚傳緒十葉炎圖中興巍乎大哉時乃天

道法堯臨舜跨商軼周稽三聖之傳揭二典之範鋪張

丕續視禹益光則固有在乎今日也恭惟大行聖安壽
仁太上皇帝躬上聖之資際重熙之運興自朱卯升儲
青宮鷄鳴問寢而子道克全龍潛進修而君德滋懋
泉湧博以時出聰明聖智而能知剖明訟牘已得於尹
正之始諳知物情復見於參決之初中外想慕而屬心
聖父臨朝而嘉歎天人協應內禮增華欽奉燕謀潤色
鴻業嚴兩宮之尊奉益供進之常儀述壽皇已行之規
期於必遵以見繼承之實念祖宗已成之憲自有深意
以塞更張之原先器識而務典實則鑒取士之家法貴
久任而重數易則循命守之聖謨專老成以悅重華揚
寶冊以慶慈福業業孜孜守以一道也畏天變之上形

而感動於六事之陳欲人心之無怨而察聽於土木之
後戒言瑞物而思豐登之樂業勵精治道而却歌頌之
宣功不貴奇珍而杜遠方之求不殖貨利而務節用之
本行所無事則以心不私而能公道運無積則審器日
用而不蠹休務之假益減治事之日益增則克勤於邦
會計始於宮掖恩澤損於椒房則克儉於家疊疊穆穆
進以無彊也建大中而消朋黨好正直而尚公平以任
賢使能為致治之要以更出迭入為用人之法語近臣
以遏絕僥倖飭監司以發撻姦賊清介純實則列置禁
塗博洽純正則輔導王府講筵取經學賅通之老館閣
儲議論正平之人擇遙帥於大臣詳議之餘得殿巖於

參稽公論之素訪舊弼以來謹論擢御史以獎直言訪問而致譖愬之不行虛懷而使所陳之得盡採封事之議以伸四方敢言之氣講景命之書而寤近習移人之非論寬卹之可行即行而不當具文謂愬賞之當與即與而不可不信於以謹黎獻之時舉而嘉言之罔伏也念戶口之雖衆而民生實艱審害藏之非地而民憂無蓄雨暘形於憂喜水旱欲以實聞賑恤牧養必責以盡心勸課農桑必徹以無擾嚴郡邑名舍實取之禁廣諸道預備先具之儲經總之繁多網運之折閱科罰對減之色目預買畸零之取贏蠲減代輸立法必歸於一惡其太重疑刑務從厥中情犯之適輕則開其有新流徙

之抵遠則示以不殺春夏之際俾非重事而勿拘盛暑
慮囚俾必前期而及遠覽囹圄空虛之奏則喜形於獎
諭聞肌體或傷之罪則言寓於哀矜於以見政在於養
民而刑斯於不犯也以義武寓兵之法為近古以兩淮
藩籬之本為在民軍政欲一指統帥副貳分治之為非
守禦有地視重屯列戍增損之當異將臣屢戒於倍克
歸正常務於撫存招生部以結蕃戎創神勇以收子弟
柔遠能通敷文德也羣臣進對商畧大事率言簡而理
得諸儒講論反覆折衷皆心會而意明傳聞失實知非
王霸之圖細故從事識非大體之務臨照百官而深辨
邪正明見萬里而曲盡事情由思而睿惟幾康也臨御

六載之間規撫百王之上九功之所以著庶績之所以
凝端由學聚問辨咸篤實輝光之新日就月將大緝熙
光明之盛重離之繼照而薄海咸仰天鑑之下濟而品
物流形何千萬年俾昌而熾而乃履乾之正體道之宗
玩意希夷脫屣高臨肆舉神器而親授聖子侔功太極
而願燕壽康為天子父以極其尊享天下養以致其樂
歲受內朝之稱慶日顧寢門之問安歡欣穆愉慈愛備
至遞聞憑几導揚之命俄趣來雲上賓之遊茲皇帝所
以興哀無時孝思罔極擗踊追慕悼心悲擢愴昊天
之
不辰痛駸馭之莫返而三靈改色臣庶攀號泣盡而繼
之以血也禹陵獻卜會稽是瞻因山有期羨封夙戒參

酌古義攷訂六家將飭攸司勒崇丕冊庶幾有以冠徽
稱而詔萬世謹按諡法聖能法天曰憲施仁服義曰仁
通達先知曰聖能官賢才曰哲視民如子曰慈繼志述
事曰孝迹夫至公無私以應物自強不息以建德非聖
能法天乎濟衆而均於一視博愛而事得其宜非施仁
服義乎極深研幾而融照萬微窮理盡性而起卓獨見
非通達先知乎明於知人而務取所長量材授任而各
得其用非能官賢材乎惻怛欽恤而軫懷如傷撫綏和
柔而燕及遠邇非視民如子乎授受一轍而允執厥中
孝理天下而率由舊章非繼志述事乎萬善俱備全德
丕顯固已被四表而宅天下至海隅而及萬邦宣昭洪

輝揚屬景鑠疑非愚臣之所能及而天下之所得私若
昔成武天子之謚則請之南郊况我慈皇堯舜之道既
原於天彝倫之疇復畀於帝為綱為紀克允成功赫奕
煒煌配天無極申以節惠於昭至公對在天之靈無俯
仰之愧大行聖安壽仁太上皇帝尊謚宜以天命錫之
曰憲仁聖哲慈孝皇帝廟號光宗臣等謹議詔恭依
十一月一日詔令侍從兩省臺諫太常寺秘書省官集
議配饗功臣既而禮部尚書張奎等詳議請以故右丞
相贈少師葛祁配饗光宗廟庭從之 同日禮部太常
寺言將來虞主回并神主祔廟合用細仗百百人太常
鼓吹一百三十一人兩日排設振作導引乞下兵部太

常寺差撥從之 三日詔奉上謚冊寶攝太傅差右丞
相謝深甫奉謚冊寶官差知樞密院事兼叅知政事何
澹讀謚寶攝侍中差簽書樞密院事陳自強讀謚冊中
書令差禮部尚書兼吏部尚書張全 五日禮部太常
寺言大行聖安壽仁太上皇帝依典故俟奉上謚號冊
寶了日合稱憲仁聖哲慈孝皇帝祔廟畢合稱光宗憲
仁聖哲慈孝皇帝詔恭依 十一日學士院擬光宗皇
帝原廟殿名美明光宗皇帝室太廟酌獻樂名大和詔
恭依 同日詔奉迎虞主并神主祔廟禮儀使差右丞
相謝中甫都大主管官差入內內侍省押班盧安仁
同日禮部太常寺言將來掩攢宮畢六虞在塗太常卿

行禮以後三虞係間日皇帝行禮并依故事神主祔廟
前二日皇帝行卒哭祭令來祔廟用十二月二十一日
所有間日一虞緣相去日逼令欲乞十二月十四日行
安神禮十五日第七虞十六日八虞十七日九虞十九
日卒哭祭從之 同日禮部太常寺言國朝禮制掩皇
堂畢虞主回皇帝行奉迎安神虞祭卒哭寧神奉辭之
禮並服韡袍紹興二十九年用見服素黃袍黑帶素履
淳熙十五年用見服白布折上中黑帶白布袍素履所
有今來衣服乞施行詔依淳熙十五年禮例 十二日
禮部太常寺言將來神主祔廟依典禮合前二日奏告
天地宗廟社稷宮觀從之 十三日禮部太常寺言將

來神主祔廟製造光宗室牌一面進請御書修製畢權
於修內司安奉以俟擇日迎奉安掛從之 十四日攝
太傅謝申甫率百官奉上憲仁聖哲慈孝皇帝謚冊寶
如永阜謚冊文曰維慶元六年歲次庚申十有一月癸
丑朔十四日丙寅孝子嗣皇帝臣御名謹稽首再拜言
曰臣聞堯舜之道禹傳之而揖遜之懿同乎三聖堯舜
之治禹繼之而垂拱之盛同乎三朝以言其德則冠百
王以言其功則被萬世立極垂統憂深慮遠迺以神器
親授與子是以表行賔實因名為謚生則以禹稱之沒
則以禹號之歷數十載莫之與京惟我烈考無間然矣
恭惟大行太上皇帝亶明明美睿之姿厲疊疊圖回之

志為聲為律而輔以稽古為綱為紀而本以守謙毓德
震宮推戴已久繼明離照謳歌皆歸精一執中妙於心
傳歷數在躬得於而命禹之懋德丕績終陟元后也神
皋之尹正而深識民情議事之參決而洞達國體踐祚
之初天德清明號令之發殊動羣聽惠澤之霈滲漉函
生戒百官之貪濁而嚴糾勅戒長吏之更易而重久任
蜀三輔預買丁庸之賦損四川鹽酒折估之額輕徭役
謹刑罰禹之德惟善政政在養民也條列五事守孝宗
所尚之規申飭三省遵孝宗已行之法即祇承於帝也
廣豐年之平糴以厚儲積行歉歲之賑貸以救流徙即
思弱由已也旁開求言之路日引輪對之班詔執政舊

臣之論事諭宰輔侍從之入奏即聞善言則拜也薦舉
賢俊命於近列斥逐嬖倖奮自威斷即稱善人不善人
遠也減休務之假增治事之日警急忽察偷惰克勤於
邦者也恩澤裁損不私於椒塗會計節省必始於宮掖
克儉於家者也勸講經籍發明百篇之義遊戲翰墨備
具八法之體洛書之錫也承三宮之勸極四海之養歟
郊丘饗宗廟致孝之道也若乃焦勞思治致爽冲和爰
念退閑遜於大位褰裳高蹈順神澹泊與天為徒宜享
康寧永躋上壽遽乘白雲返於帝鄉嗟夫臨御六年之
間垂^堦蒙億載之遠有典有則貽厥子孫道在敬承罔敢
失墜載惟一家父子之親傳三世聖明之相繼體堯臨

舜壹似乎禹令也弓劍之藏復歸禹完原始要終若今
符節嗚呼豈偶然哉臣以涼德孳然在疚即遠有期攀
號莫及敢紀鴻名圖報罔極然巍巍之治莫可擬議非
渾渾之書豈能形容管窺蠡測姑述見聞是用稽謀於
衆精命於天憲垂百代之後仁居五常之先惟睿作聖
惟明作哲首三寶以為慈冠百行而為孝誕輯衆美具
揚丕鑠至於德之著者光於上下功之顯者光於祖宗
若帝與王孰能兩盡由今準古厥光大矣謹遣攝太傅
特遣右丞相提舉實錄院提舉編修敕令岐國公食邑
三十六百戶食實三千二百戶臣謝深甫奉玉冊玉寶
上尊諡曰憲仁聖哲慈孝皇帝廟號光宗伏惟皇矣威

靈克配彼天於萬斯年以願越我國家謹言十八日百
日皇帝詣梓宮前行燒香禮如宮中之儀宰臣率文武
百僚詣壽康殿下臨次移班進名奉慰太皇太后訖退
行在禁屠宰三日諸路一日 同日詔總護使改差謝
深甫 十九日禮部太常寺言將來靈駕發引欲乞行
禮例差太傅一員復從皇帝行啟奠祖奠遣奠之禮詔
差右丞相謝深甫 同日禮部太常寺言將來梓宮發
引依典故於啟櫛前三日奏告天地宗廟社稷宮觀從
之 同日詔攝太傅持節導靈駕及奠謚冊謚寶監掩
櫛宮差右丞相謝深甫禮儀使攝少傅帥捧梓宮官奉
升大昇轎又引梓宮即櫛宮攝少保復土九錡並差禮

部侍郎陳宗召 同日右丞相謝深甫率文武百僚三
上表奏請御正殿內批宜允俟過百日擇日詔用二十
三日權御後殿 二十三日詔書題神主官差給事中
張巖 三十日啟櫛皇帝服初喪之服行祭奠之禮如
永阜陵之儀 十二月三日靈駕發引皇帝行啓奠祖奠
遣之禮如永阜陵之儀 哀冊文曰維慶元六年歲次庚
申八月甲申朔八日辛卯憲仁聖哲慈孝皇帝崩於壽
康宮之壽康殿旋殯於殿之西階粍十二月癸未朔三
日乙酉遷座於永崇陵櫛宮禮也神禹賓天會稽啟穴
廡儀既備靈輿將發孝子嗣皇帝臣御名爰泉在疚陟
岵增歔望原陵而擗踊攀池萋以躊躇念德厚以莫報

且功成而不居肆詔通臣作冊大書其詞曰我宋中興
法堯禪舜大統再傳同符三聖天錫九疇為生人主淵
停少海多歷年所洞鑒古今周知稼穡歷試諸難尹茲
京邑精一心傳不言己孚帝欲面命俾侍都俞堂建議
事參運化鈞位正九五尊嚴若神初元紹熙一意勵精
賞信罰必聽聰視明有蠹必剔無姦敢萌減休務以熙
庶政日輪對以通下情俗方尚於徧黨帝首建於皇極
訪舊弼以示謙虛賞封事以來忠直非時延見於公卿
乙夜究觀於典籍遠遵烈祖之制度近守淳熙之規畫
威以攬權仁以守位恤刑獄而一民不寃蠲賦輸而百
姓受賜節費先自於宮掖馭下尤嚴於閹寺去佞靡拔

山之難從諫踰轉圜之易智徧庶物藝超百王舞鵲鸞
於宸翰發錦繡於天章以仁義道德而為麗豈觀逸遊
田之是荒至若奉三宮之養則尤嚴五日之常孝治方
隆節宣偶失變復罹於荼毒功未收於藥石獨觀昭曠
退藏深密天德出寧雖止於六祀文謨啟佑可延於千
億宮敬興慶地聯禁扁殿稱牒陳於鏤白聖政書成於
汗青味黃老以冲淡友偃佺而燕寧登壽觴於北內傾
沛澤於南溟叶氣川流歡聲濤沸曾期月之未決歟長
秋之先逝故劍尋兮孤飛遺號兮相繼聖子省疾於昕
夕拜手祈哀於天地耳恩言兮猶在相睟容兮莫侍鳴
呼哀哉地圻兮天傾創鉅兮痛深歲八十以祝壽年半

百而病侵明庭紛兮縞伏寢門閉兮槐陰赤水元珠望
真遊而弗返清都絳闕陪列聖以來臨嗚呼哀哉駒隙
載馳莫階屢變清霜肅兮井梧飄白露濃兮宮草羨上
金鏡兮佳節想王色兮前殿表在御兮生塵景周年兮
結戀嗚呼哀哉甫寵協吉司常戒期背君堯之鳳闕建
婀娜之鸞旗六紼動兮千官泣七萃行兮萬宇悲長樂
鐘鳴已隔龍樓之問鈞天樂奏徒傾鶴駕之思嗚呼哀
哉命方相兮先驅指越江兮東渡神祇奔走以效職魚
龍雜運而來護蓬萊爵兮在望巖壑秀兮爭露宸葉哀
兮棄九州之養樂莫樂兮從二帝之袂風蕭蕭兮玉衣
冷雲慘慘兮栢城暮嗚呼哀哉若古有夏兮稱極功前

聖後聖兮道則同損己以益人兮積勤而致忠與子而
高蹈兮何齡之不豐帝之治兮春以育帝之仁兮天比
崇先祖宗兮建號揭日月兮焉窮嗚呼哀哉 九日掩
櫬如永阜陵之儀十四日虞主渡江於權安奉處禮儀
使行奉迎之禮如永阜陵之儀同日文武百僚常服黑
帶出城奉迎虞主詣壽康宮 同日皇帝於壽康宮門
外奉迎虞主升殿行安神之禮如永阜陵之儀十五日
皇帝詣壽康殿行第七虞祭之禮如永阜陵之儀十九
日皇帝詣壽康殿行卒哭祭之禮如永阜陵之儀二十
一日神主祔廟皇帝行寧神奉辭之禮如永阜陵之儀
同日神主祔廟以慈懿皇后配行晨裸之禮如永阜陵

之儀二十二日詔諸司諸司等推恩有差餘並依慶元四年五月十七日指揮施行內兩該人止從一重嘉泰元年正月十四日禮部太常寺言令來吊慰祭奠使副到闕詣壽康殿行禮并朝見欲乞依禮例皇帝服裏經其行禮朝見日并奉辭日宰執已下合赴立班官并應奉官及引班人服布幘頭布襴衫腰經布袴從之二十五日金國弔祭使驃騎衛上將軍兵部尚書元顏充副使嘉議大夫尚書戶部侍郎李仁惠讀祭文官朝列大夫翰林修撰張復亨赴壽康殿行祭奠禮如永阜陵之儀三十日金國弔祭使元顏充等赴壽康殿奉辭如永阜陵之儀二月十二日詔中奉大夫右司郎中

閻邱泳假試兵部尚書永嘉郡開國侯食邑一千三百戶食實封三百戶賜紫金魚袋差充奉使金國報謝使武翼大夫右屯衛將軍李言假福州觀察使知閤門事兼客省四方館事壽昌縣開國伯食邑七百戶副之既而泳以疾改差起居舍人俞烈借官仍舊八月五日為光宗皇帝小祥前三日輔臣至六曹權侍郎以上管軍臣僚正任觀察使皇親遙郡防禦使以上詣几筵殿行奠醑禮六日同八日小祥皇帝詣壽康殿行祭奠之禮如宮中之儀次御史臺閤門太常寺分引文武百僚詣几筵殿內外立班定禮直官揖躬拜在位官皆再拜訖禮直官引班首升殿詣几筵殿香案前搢笏三上香

訖執笏降階復位立禮直官揖躬拜在位官皆再拜訖
次移班進名奉慰太皇太后皇帝訖次赴傳法寺行香
如忌辰之儀訖班退 十七日禮部太常寺言檢照紹
興七年徽宗皇帝升遐初詔羣臣候祔廟畢純吉服繼
令候過小祥日取旨八年正月二十五日小祥二月二
十三日詔百官純吉至淳熙十四年高宗皇帝升遐詔
並依紹興七年典禮又詔羣臣自遵易月之制欲乞詳
酌遵用紹興已行之典淳熙申命之文百官過小祥用
九月一日並服純吉從之 二十六日禮部太常寺言
今來光宗皇帝已經小祥百官用九月一日並服純吉
所有見應奉從物并禁衛班直親從等依典故並合仍

舊俟將來皇帝純吉日即合從吉從之 嘉泰二年五月十一日禮部太常寺言將來八月八日光宗憲仁聖哲慈孝皇帝大祥自初三日命輔臣至六曹權侍郎以上管軍臣僚遙郡觀察使應宗室南班官詣光宗皇帝几筵奠酌自是日一奠至初七日羣臣皆入奠入奠日依故事臣僚到闕未見遷官未謝已辭未發並聽隨班入奠奠酌日應奠酌官服常服黑帶去魚立班奠酌畢換吉帶退從之 八月八日光宗憲仁聖哲慈孝皇帝大祥皇帝行祥祭之禮 其日夙興太常入陳祭器供設禮撰於壽康宮几筵殿文武百僚並赴壽康宮常服黑帶以俟奉慰立班儀衛几筵禁衛及僧道於殿門外

排立定次引進幣爵酒官讀祝文酌酒官入殿及執燭

等官並先陞殿各就位立定次引禮儀使陪位官宗室

使相郡王南班宗室各入就位

禮儀使前導執事陪位官供進盤匱等內侍官

及侍衛之官並常服黑帶

次禮直官太常博士太常卿

於御幄前立定皇帝服哀服入詣几筵殿側御幄簾降

釋哀服易祥服服白素紗軟脚幘頭白羅袍黑銀帶即

座次禮直官太常博士引太常卿當幄前俛伏跪奏稱

太常卿臣某言請皇帝為光宗憲仁聖哲慈孝皇帝大

祥行祥祭之禮奏訖伏興退復位簾捲前導官前導皇

帝出幄詣殿上褥位北向立太常卿奏請拜皇帝再拜

在位官皆再拜訖內侍各執盤匱帨巾以進奉請皇帝

盥手內侍進盤匱沃水皇帝盥手內侍進巾奏請悅手
皇帝悅手訖內侍進爵沃水奏請皇帝洗爵內侍進巾
奏請拭爵皇帝拭爵訖前導官前導皇帝詣光宗憲仁
聖慈孝皇帝几筵前侍位立奏請皇帝跪三上香進幣
爵酒官楷笏先進幣次進爵酒又奏請皇帝受幣奠幣
執爵三祭酒於茅苴奠爵俛伏興奏請皇帝少立讀祝
文官楷笏跪讀祝文訖奏請舉哭拜皇帝舉哭再拜在
位官皆舉哭再拜訖哭止前導官前導皇帝還侍位北
向立奏請拜皇帝再拜在位官皆再拜訖前導官前導
皇帝歸幄簾降次禮直官太常博士引太常卿當幄前
俛伏跪奏稱太常卿臣某言禮畢奏訖伏興退復位立

前導陪位等官並權退次引禮儀使執事官詣望燎位
立俟焚燎祝幣訖權退太常撤祭器禮饌訖俟几筵欽
奉所別設香茶酒果等訖提舉官奏請太皇太后行燒
香禮畢退 同日光宗皇帝除几筵奏請皇帝扶護几
筵行禮 其日焚几筵時前俟皇帝行祥祭禮畢及太
皇太后行燒香禮畢次禮直官太常博士太常卿於御
幄前立定次禮直官太常博士引太常卿當幄前俛伏
跪奏稱太常卿臣某言請皇帝躬親扶護几筵奏訖伏
興退復位簾捲前導官前導皇帝出幄詣殿上禱位北
向立太常卿奏請拜皇帝再拜舉哭前導官前導皇帝
躬親扶護神御內侍官分左右扶護至東南權安奉訖

哭止前導官前導皇帝歸幄簾降前導官於幄前立定
次太常入陳祭器供設禮饌訖次引進幣爵酒官讀祝
文酌酒官執燭等官先陞殿各就位立定次引禮儀使
陪位官宗室使相郡王南班宗室各入就位次禮直官
太常博士引太常卿當幄前俛伏跪奏稱太常卿臣某
言請皇帝為光宗憲仁聖哲慈孝皇帝大祥除几筵行
祭奠之禮奏訖伏興退復位簾捲前導官前導皇帝詣
殿上褥位北向立太常卿奏請拜皇帝再拜在位官皆
再拜訖內侍各執盤匱悅巾以進奏請皇盥水內侍進
盤匱沃水皇帝盥手內侍進巾奏請悅手皇帝悅手訖
內侍進爵沃水奏請皇帝洗爵內侍進巾奏請拭爵皇

帝拭爵訖前導官前導皇帝詣光宗憲仁聖哲慈孝皇帝几筵前褥位立奏請皇帝跪三上香進幣爵酒官搯笏跪先進幣次進爵酒又奏請皇帝受幣奠幣執爵三祭酒於茅苴奠爵訖俛伏興奏請皇帝少立讀祝文官搯笏跪讀祝文訖奏請舉哭拜皇帝舉哭再拜在位官皆再拜訖哭止前導官前導皇帝還褥位北向立奏請拜皇帝再拜在位官皆再拜訖前導官前導皇帝歸幄簾降次禮直官太常博士引太常卿當幄前挽伏跪奏稱太常卿臣某言禮畢奏訖伏興退復位前導陪臣等官退次引禮儀使執事官詣望燎位立俟焚燎祝幣訖退次引宗室使相郡王南班宗室詣殿下分左右立次

引禮儀使陞詣几筵前挽伏跪奏稱禮儀使臣某言請
光宗憲仁聖哲慈孝皇帝几筵降座陞輦輿奏訖伏興
少退南向立次內侍官扶護几筵陞輦輿官捧擎進
行宗室使相郡王南班宗室分左右導引禁衛援衛及
僧道作法事迎引禮儀使後從至焚几筵處俟輦輿過
退有司俟時焚訖並退次文武百僚赴傳法寺行香如
忌辰儀 十月二十八日光宗皇帝禪除皇帝行禪祭
之禮如永阜陵之儀

宋會要 寧宗

嘉定十七年閏八月三日寧宗皇帝崩於福寧殿遺制
曰朕承十二聖之丕基歷三十有一年之久允賴天地

之祐祖宗之靈海內又安年穀豐衍北方故壤寢版圖
中原遺黎感懷內附而朕夙夜祇懼不敢荒寧宵衣御
朝感寒致疾迄今大漸不得負宸以見羣臣皇子御名
神授美竒天鍾睿哲泰容朝謁休問日彰授以宗祧天
人允叶可於樞前即皇帝位然嗣君夙居外邸未熟萬
幾皇后左右朕躬歷年滋久秉心公正務在進賢任姒
之稱聞於天下可尊為皇太后權同聽政應軍國事務
並聽皇太后處分必能祇荷寵休奉若成憲佐中興之
運副率土之心更賴左右宗子文武列辟輔其不逮惟
懷永圖皇帝成服三日聽政喪紀以日易月羣臣共為
寬釋勿過摧傷百官入臨隨地之宜諸道州府長吏以

以三日釋服在京禁音樂百日在外一月無禁祠祀嫁娶沿邊不用舉哀內外諸軍並令支賜並聽皇太后皇帝處分於戲念有生之必死如晝夜相代之常惟付託之得人乃宗社無窮之計咨爾有衆體予至懷其日文武百僚黑帶去金玉飭入詣殿下立班定禮直官引班首出班前東向立播笏宣遺制訖歸位並舉哭再拜移班稍東立定皇帝即位遜避再四乃於殿上東楹即坐班首出班躬身起居皇太后次起居皇帝次移班奉慰皇太后殿上下並舉哭次奉慰皇帝班首躬身致詞歸位舉哭各再拜訖皇帝降坐並退同日禮部太常寺言檢會國朝山陵故事羣臣叙班殿庭輔臣宣制發

哀畢移班謁見帝於殿之東楹稱賀復奉慰盡哀而退
今欲依上件典故施行從之一同日又言檢會國朝故
事皇帝合服初喪服白羅袍黑銀帶絲鞋白羅軟脚折
上中成服日皇帝服布斜巾四脚裙袴冠帽竹杖腰經
首經直領大袖布襴衫白絹襯衫皇帝視事日去杖首
經小祥日改服布四脚直領布襴衫腰經布袴大祥日
服素紗軟脚折上中淺黃袍黑銀帶皇太后内外命婦
麗布蓋頭裙衫帔子首經絹襯服六宮内人無帔合服
麗布蓋頭長衫裙首經絹襯服内外合入臨人仍加冠
所有今來服制欲乞並依前項典故令工部下文思院
製造供應從之 四日又言檢會國朝故事城内外諸

寺院共聲鐘二十五萬杵乞依典故令臨安府吉報聲
鐘文武百僚朝晡臨於宮庭內外自小祥後至禋祭朝
一臨自是七日皆朝臨四十九日而止禋祭除後山陵
前每遇朔望羣臣並朝臨進名奉慰皇太后皇帝成服
日大小祥禋朔望並奉慰同日詔辰日不得忌哭同
日禮部太常寺言檢照典故諸路監司州軍縣鎮長吏
以下依禮例合服四脚條條幘頭直領欄衫即是大袖上
領不盤謂以布一條屈為領雖如流紫衫領而不用料
剪盤成是為直領腰經以麻為帶朝晡臨三日除之
從之同日又言檢照典故內外品官禁樂二十七月
京城內外民庶等自舉哀至祔廟合行禁樂諸路州縣

管內寺觀自關報到日修建道場七晝夜禁屠宰三日
民庶等禁樂百日沿邊軍中及在內諸軍軍行教閱不
禁從之 同日又言檢照典故自成服至釋服日遇朝
殿所有簾幕並用縞素輦輿從物用淺黃包裹從之

六日又言乞依典禮集議大行皇帝諡號於尚書省詔
恭依 十三日又言檢照典禮皇帝釋禪服行禮畢皇
帝服皂幘頭淡黃袍烏犀帶素絲鞋皇太后冠倣禕衣
冠去華飾服倣禕衣以淡黃羅製造鞋淺色從之 十
八日又言檢照典禮將來梓宮發引合用節一副大昇
輦并輓一副一攢宮內安設合用黥三匹纁二匹黥纁
乞下左藏庫揀選堪好物帛充贈玉一段 盛歟纁贈玉

匣狀及帕鎖匙全一啟奠祖奠遣奠祭器 就本寺見管

使用外合用牙牀三張一名差擡擊兵士一十五人節級

發遣如經由水路乞 贊宮畢并神主祔廟合用虞主一

神主一大匱二小匱二腰輿二汲水鐵絡桶二索全矮

香案二子紫羅衣白羅拭巾一長八尺筆硯墨一副白羅

巾二各長八尺行障一紫羅袍籍神主虞主紫羅褥子二

浴斛二跌座二錦褥曲几二衣子油絹帕二各三草匱

黃羅夾帕二各三并柘室法物等並乞下文思院製造

從之 十九日又言檢照故事帝后諡號其間一字相

連昨上孝宗皇帝諡號安穆皇后安恭皇后改從成字

今來大行皇帝將欲議諡所有恭淑皇后諡號合依典

故改謚從之。二十日又言將來梓宮發引沿路導引宿頓排設合用警場鼓吹挽歌依故例係總護使同橋道頓遞使都大主管官禮部大常寺官按閱從之。同日又言一挽詞翰林學士中書舍人撰二十首文臣職事官各二首導引鼓吹歌詞學士院撰一合用挽歌郎依例差撥一發引日總護橋道頓遞使都主管官就壚次前朝辭餘官並免一合差掩櫓官行事官候回日計會問門朝見一合用鹵簿儀仗權以儀衛服素紫褐衫執持儀物充代從之。二十六日詔以參知政事宣贊為櫓官總護使吏部侍郎兼中書門下省檢正諸房公事兼同詳定勅令官楊燁為按行使保康軍承宣使入

內侍省押班鄭侯副之師貢為橋道頓遞使馮樹為
修奉總護符思信為鈐轄 同日詔令宋大行皇帝升
遐應合行典禮及支費賞賜等並依光宗皇帝升遐典
故施行 二十八日命少傅石丞相兼樞密使魯國公
史彌遠撰哀冊文并書哀冊文參知政事宣繒撰謚冊
文簽書樞密院事薛極書篆寶文禮部侍郎兼中書舍
人兼直學士院程秘撰謚議 同日禮部太常寺言今
宋大行皇帝升遐依故事合修製謚冊寶并沿冊寶法
物哀冊并沿冊法物並乞下文思院修製從之 九月
二十三日宰臣史彌遠擬撰太行皇帝陵名曰永茂詔
恭依 十月二十一日詔令封樁庫支會子二十五萬

賈豐儲倉支米二萬石付紹興府充應辦梓宮事務使
用於內發會子一萬貫付都大提舉喪事所應辦使
二十九日按行使副楊燁鄭侯言判太史局周英等
相視得泰寧山形勢起伏龍虎掩抱依經書於此創建
大行皇帝神殿亦合隨即補治乞差官覆按施行詔寶
謨閣直學士樞密都承旨聶子述充覆按使昭慶軍承
宣使帶御器械符寶郎羅舜舉副之先是太史局周英
等於永崇陵之下相視迫溪無地可擇繼至泰寧寺山
棟建故命使副覆按既而子述等言恭惟大行皇帝僊
馭上賓神宮定卜而有泰寧寺者素擅形勢之區名為
絕勝之境周鑒懷抱氣脉隱藏朝揖分明落勢特達是

乃天造地設儲之數百年以俟今日之用非大臣閱歷
之久主張之力上以開陳兩宮下以鎮壓羣議則僧徒
寧保其不為動搖哉今此神廟坐壬向丙亦與國音為
利益伏望明飭有司早嚴修奉上謂使副曰泰寧與昭
慈相去多少使副奏曰昭慈陵側僅一里許往來最便
上曰甚善迺從之 十二月九日禮部太常寺言將來
梓宮發引虞主未還宮如遇文武百僚奉慰欲乞於後
殿門外立班其合赴官許令入出和寧門從之 二十
九日少傅右丞相史彌遠等請大行皇帝謚曰仁文哲
武恭孝皇帝廟號寧宗議曰臣等聞皇墳帝典咸述於
徽謨玉鎖金函悉儲於美號然史紀五帝之壽於古獨

高而商稱三后之年歷書有永蓋履位既久則膏潤之
被也必深而享國既長則治功之凝也必盛惟功德之
兼茂宜名號之益張恭以熙朝上承堯運仁皇御歷十
二年高宗中興三十六載偉淳熙之繼體亦四七以承
休運我先皇垂及三紀義哭而上莫可訂詳詩書所編
於斯為盛昭德作謚宜鑒在茲恭惟大行皇帝夢日開
祥神光闡瑞萬善衆美天授神鍾迹其登賢聘逸消庸
斥回放勛之明也歡奉兩宮善述前志重華之孝也食
不御珍衣裳屢濟大禹之儉也陰燠小愆露禱清禁文
王之畏天也未昕視朝暑寒不變宣王之勤也旰民若
傷念兵在己敬大臣恤小臣察邇言而莫惑聖譏說而

不行郊廟迭舉以隆報本之心親幸儒宮以示右文之
化日惟一講肇始再臨錄先聖之後賜諸儒之謚與學
上窺於軒昊飛毫俯爛於雲章既書說命以錫輔臣復
翰無逸以置坐右蠲兩浙丁錢之困減江東折帛之重
建學以立宗枝錫廟以表忠節苑囿不修游幸絕跡禁
罔持嚴於金翠仁心下逮於肖翹聞民食之稍艱即發
豐儲之廩念民生之不易數捐內帑之金凡帝執王塗
聖言哲行若修身之三德暨為治之九經無不躬蹈而
力行積久而不懈用是純德上格實意下孚五雨十風
羣生茂豫冰桂海愛戴同心重譯韃韃連歲輸忱四世
金雞絕幣不與粵自南渡塊土未還今也名若魏梁大

若齊魯畧河以北循山而東奉圖職方請印少府而又
中土人心影從風動豪士則挈州送款黔民則襁褓歸
仁列處遶亭凡數百里萬艘餘粟沾及饑荒矧其傳國
古壘元祐寶章與夫薦天之璧祀廟之器爵尊環珂鐘
律鏗鏘列玉大圭盡歸廣內邊吏不絕受史館不絕書
履德於踐祚之始收功於真積之餘巍巍煌煌光洗六
合如清風戒曉而白日昇如蟄雷起春而應龍奮良由
德盛於身故功顯於世本末有第非倖而致仰惟玩志
移清觀道昭曠宜千億歲比筭三皇顧以求衣中宵忘
食過旰焦勤聖體寢爽天和既愆豫於適旬尚臨朝於
一日若與臣子永訣僊凡自是廣庭不再清蹕三靈為

之色變萬宇為之心權初玉几甫憑亟命聖子自承大
統盛德愈新付託得人海邦胥慰體天議諡下屬末臣
臣等是用循列聖之規刺六經之制闡章天之藻德酌
希代之雋功合為徽稱用昭億世謹按謚法功施於人
曰仁聖德光運曰文知人能官曰哲闢土斥疆曰武接
下不驕曰恭繼志成事曰孝夫澤流方夏餘被北方非
功施於人乎道統既明邪說自殄非聖德廣運乎信賢
逐倭至明不惑非知人能官乎北方版圖日衍月增非
闢土斥疆乎羣臣謁奏虛心樂從非接下不驕乎憤解
百年功光列廟非繼志成事乎夫賢起有堯之野萬國
咸安舜躬天德之全出寧四海或遺大龜之寶亦取安

邦或惟武功之圖亦貴能教然則寧之為義大矣哉夫
植顯號建鴻名必也稽之事業攷之僉輿闕百聖而不
疑質諸鬼神而無媿故薦於天而天心受陳於廟而帝
意愉羣昭曰王者無上故於南郊稱天以謚大行皇帝
尊謚宜天錫之曰仁文哲武恭孝皇帝廟號寧宗詔恭
依 寶慶元年正月四日禮部太常寺言大行皇帝謚
寶欲以仁文哲武恭孝皇帝之寶十字為文乞下工部
行下文思院修製從之 九日又言將來靈駕發引依
禮例差太傅一員後從皇帝行啟奠祖奠遣奠之禮詔
差少傅右丞相兼樞密使魯國公史彌遠 十六日臣
僚言近同副使鄭侯再詣先皇帝新陵恭行告土之儀

啟土之日天宇澄霽陽耀宣明土脉鎮密形勢秀聚天
造地設合於地理之吉見莫不舉手加額而相告曰此
先皇帝盛德之應也兩宮孝思之格也七月而塋禮有
常經以月計之為期已迫欲望明詔有司預涓發引之
日仍乞行下應辦諸司務在督趣整備使無臯緩苟簡
之虞倉卒科擾之弊從之 同日禮部太常寺言將來
梓宮發引依典故啟櫬前三日奏告天地宗廟社稷宮
觀從之 十七日詔將來梓宮發引依故例前一日免
呈拽 同日禮部太常寺言將來奉上太行皇帝謚冊
寶宜用正月二十八日己丑吉從之 十九日又言將
來神主祔廟日皇帝行寧神奉辭虞主之禮今欲乞是

日於皇帝行禮前提舉官奏請皇太后詣虞主前先行
寧神奉辭燒香之禮靈駕發引掩轎畢迎奉虞主回皇
帝親行三虞祭及卒哭祭之禮二十日又言將來神主
祔廟合於祔享時前告遷恭淑皇后神主詣太廟南神
門外嚮次權行安奉以俟同時祔謁升祔寧宗室一
合差宮闈令一負白別廟告遷恭淑皇后詣太廟升祔
行禮扶侍夾侍各一負捧腰輿官四員並前一日赴太
廟致齋乞令太常寺報入內內侍省差官施行一合差
儀衛親事官三十人裝着儀注全乞令皇城司差撥前
一日赴太廟奉安所上宿至日祇應一所有告遷儀注
令太常寺修定闕報施行從之 二十七日又言將來

梓宮用三月十二日掩櫬依典故除櫬宮薦獻外自三月十日為始禁止屠宰三日令進奏院牒紹興府行下合屬縣分禁止施行從之二十八日少傅右丞相史彌遠率文武百僚奉上寧宗仁文哲武恭孝皇帝謚冊文曰維寶慶元年歲次乙酉正月壬戌朔二十八日己亥孝子嗣皇帝臣御謹稽首再拜言曰臣聞德必有功功德之幹也功必由德德功之本也然古者祖有功宗有德槩而言之匪曰區別銘德紀功敬宗尊祖其義一也徽名顯號鏤玉繩金帝王以降復加詳矣思我昭考詎容闕遺恭惟大行皇帝生有神光夢符抱日天之所畀秉德粹冲克養滋深始終克一爰自潛端運於御極

雅言懿行善政良規皆德之發也表正影隨根茂實遂
休功偉績得於自然皆德之應也屢書悉數莫可勝紀
敢因節惠採摭形容庶幾萬一焉凝神靖穆靡事玩好
歲寒清心揭以名室至純也中庸大學克明要旨秦皇
梁武是謂渺茫至正也金華說書演為朝夕黼座聽朝
不怠昕旦衣必服澣濯飲不過三行勤於邦儉於家矣
容止進退可觀可度在朝在宮雖雖肅肅動容周旋中
禮矣畏天則遇災而懼減膳徹樂露立請禱寧親則克
諧以孝問安侍疾躬進藥餌事天如事親矣以和顏接
臣鄰以大度納諫諍憂民之憂聞必惜恤樂民之樂不
自滿假體羣臣而愛百姓矣及夫形而為言於學問則

曰人主一心攻之者衆於講讀則曰引古證今庶非文具語珠玉之寶而明德業之為寶語君為舟民為水而明覆舟之可畏因舉子有君則謂父母之心由之以生因狀平海寇則謂招徠得用又可全生推是以往言皆德言於是見諸行事則政必由中書官不私嬖近祖宗成憲傳承惟謹使民奏牘命以攷行立賢無方而朋凡亡惡惡必去而姦邪沮捐帑儲振乏絕發倉廩救饑饉丁口之賦全以弛之折科之色重則損之興崇學校廣及宗庠褒謚先賢錄及後裔拔民豪以為將軫死士而恤孤罪疑惟輕可憫即貸平反者有賞失入者有罰十詔取士八策於庭惟實用是求七饗合宮三登圓陸惟

時宜時舉設施注措莫非德政稽驗成功則天地順應而陰陽和風雨時年穀阜成羣物暢茂帝歆親祀夜氣登廟封人歲祝晨光赫曦眷佑之來可幸而得耶人心丕應而戶口蕃息囹圄空虛遺黎襁負以向化豪傑率衆以來王山河境土寢復版圖符寶珍瑞復還御府多助之至可彊而致耶故雖殘虜陸梁終自取敗寇攘間作斃不旋踵權姦自孽而莫寔叛將弗征而就誅在位三十有一禩事變屢萌而汔康感應之機有不疾而速不行而至者大功數十是不曰盛德之所召乎乃若宸奎寶畫筆由心正弓矢侯鵠中由體直以之而書無逸書說命則書可以觀德矣以之而尚武勇去弋獵則射

可以觀德矣。游於藝者，猶若是。豈功而非德歟？夫有大德者，必得其壽。謂宜無彊，惟休眉壽萬歲。夫何遽厭黃屋靈駕，莫追殂落之旦？風雨晦冥，天人俱慘。臣方荒頓足，摧心乃承憑几之命。俾紹丕圖之休，追惟涼菲，凜弗克勝。玆在疚，因山告期。四輔羣工，若稽古訓，敬紬稱謂，得請於郊人。謀天同誕，昭懿鏤謹，奉玉冊玉寶上尊。謚曰仁文哲武，恭孝皇帝。廟號寧宗，恭惟睿聖如在。允膺茂典，列於宗廟。安安閔恤於萬斯年，永昌厥後。嗚呼哀哉！謹言。二月二日，檢察宮陵所言，將來大行皇帝攢宮所有差置官吏諸色，祇應軍兵等人，并應干合行事務，乞照諸陵體例，差官應合支破，請給人從理任酬。

賞並依前後已得指揮施行詔差都監一員兼香火并
差內外巡檢一員主管官物一員專知官一名手分二
名餘從之攢官修奉闕官掌管出入牌記權令永崇陵
攢官都監陳叔達兼權候差到正官日仍舊主管官物
及專知官從本所於見任得替小使臣校副尉內指差
其官吏并諸色祗應人防守軍兵等應合得諸般請給
今紹興府挨排按月批勘 二十一日都省言今來梓
宮發引在近合行祈晴詔日輪侍從一員詣上天竺靈
感觀音前及分詣東嶽城隍福順廟旌忠觀祈禱香自
入內內侍省請降 二十四日梓宮啟攢皇太后詣梓
宮前行燒香如宮中之儀皇帝行祭奠禮文武百僚赴

几筵殿陪位立班進名奉慰 同日禮部太常寺言檢
會淳熙元年已降指揮節文遇合班去處如東關宰執
執即移西班執政過東班今來二月三十日仁文哲武
恭孝皇帝梓宮發引渡江船路朝晡臨并掩轎宮畢朝
朝拜路陵進表奉慰及沿路虞祭等合班即無宰執止
有備大傳簽書樞密院事恩數並依執政合過東班作
班首上香立班及進上皇太后皇帝慰表從之 二
七日詔靈駕發引在即令提領豐儲倉所撥米七萬碩
令臨安府日下委官抄劄城內外貧乏下戶大小口數
賑給一次務要實惠及民毋令吏胥漏落欺隱及減尅
作弊 同日詔令封樁庫日下取會殿前司馬步軍司

守衛官兵及班直皇城司并諸司見管兵人數每日各
特支犒設錢一貫文並以會子支撥付逐處當官點名
給散 同日詔梓宮發引在近見行祈晴應雨浙路州
軍城內外并屬縣官私房錢並放有差 三十日靈駕
發引皇太后行奉寧奉辭禮皇帝行啟殿祖奠禮畢次
詣皇城門外奉辭行遣奠禮哀冊文 維嘉定十七年
歲次甲申閏八月乙未朔三日丁酉仁文哲武恭孝皇
帝崩於福寧殿旋殯於殿之西階粵寶慶元年二月壬
辰朔三十日辛酉遷座於永茂陵櫬宮禮也雲繞帝鄉
漏沉天闕陳宸幣以如在挽車旌而尚列蒼梧連泣竹
之野玉匱藏函書之瓦瞻象物以悽黯企僊游而愴咽

孝子嗣皇帝臣

名御

摧痛罔極銜哀永訣弓劍漢以難舉

尊嚴莫而將徹端咨近輔緝揚洪烈其詞曰天享至仁
格於藝祖誕舜明命全付區宇覲謳盛乎虞夏誓伐早
乎湯武啟祐我後以篤斯祐若時中興三聖繼序文孫
丕承實天所與秉哲而麗正飭躬而履純寅畏以事上
帝徽柔以懷小民度常裕以有容威不嚴而自神舍已
從善忠謹畢陳予亮予弼汝臣汝鄰渾然如天熙然如
春措一世於昇平陶八荒於晏醇三十一年仁祖之仁
始其慈福開宮壽慈對殿巍巍壽康高蹈清燕翠蹕來
朝問安視膳寶冊交舉瓊觴齊獻慶重儀嬈觚翔澤遍
孝德之全光乎三禪太紫之庭蘭茝之掖嗜好不營服

御無飭衣必再浣洗更以錫苑圃不增遊畋屏迹輦路
苔侵禁園草積賜絕橫綰皆虛席儉德之隆卓冠載
籍若乃天作清明機運英剛迄翦姦孽總收權綱新化
如滌皇猷聿彰衆正翕受帝紘孔張宗社之計赫乎靈
張乃挈治統乃疏政經九賦數減一役不興刑雖小而
逾恤兵惟應而弗征親齋露禱忱通顧歆歲書屢豐變
銷無形立國之勢以尊以寧至於七畝堂延三登祚時
原廟之謁太室之祀升以苾馨消以芳美天地昭答神
祇嘉喜貺之珍符介之蕃祉帝眷載膺聖志愈抑惟成
憲是監惟古訓是式兩講迭進緝熙日益帝曰能定朕
心自得萬機餘閒玩情翰墨鸞蚪羣矯奎壁絢夾首幸

辟雍儒道用充若稽舊典肇復東序輯麟趾之振振環
冠帶之錚錚俾道德而詠仁咸追琢乎圭璋而又發揮
幽潛表章正學錄裔胄於洙泗錫謚名於闕洛振斯文
而接瑩緒鏡羣昏而開後覺於是聖化被乎六合皇威
信乎四陲內修旣備外攘無施盛胡運於垂盡起遺黎
之來思故壤興圖疊上封圻聞風動河北之應布令感
山東之歸景命用集鴻禧美滋壘還玉府禮行瑤墀恩
溱浥於臣庶聲震警於戎夷蠲宣王復古之雅邁宣帝
興業之規要畧恢乎紹興宏模廣乎淳熙方當躬撫昌
期丕凝庶績旦旦視朝寒暑不易終始如一遂夾冲瑒
遂親藥石層雲蔽闕以連朝彤霞覆殿而竟夕忽鈞天

之宵斷駭宮車之晏出嗚呼哀哉天崩莫柱民哀斯梓
雷號薄乎霄漢雨淚淒乎郡國風煙爲之俱慘日星幾
於無色而况母幄流悲宮闈傷盡恩慙凡之導揚賴東
朝之擁翼省付託之至重每茲疚而加惕嗚呼哀哉詢
謀方篤眸容遽違存衛猶整音塵寢微黼座寒兮花露
欲泣素翮肅兮鴈霜共飛乙夜書殘唯想又新之訓景
陽鐘絕那求未曉之衣嗚呼哀哉同執咸臻元龜協吉
澄暉涵萬壑之秀佳氣貫五陵之玉審協祔之胥契庶
妥寧之允穆飛簾先導而塵清海若駿奔而波伏鹵簿
引兮嗟越渚之道迎龍輶渡兮痛京臯之蒼天山川拱
扈永陪四后之遊松檜鬱森中衍萬年之福嗚呼哀哉

列聖一心以仁而傳忠厚之基垂裕於後豈弟之治深
深於前細而覃乎草木充而塞乎天淵蒼籙興兮損天
王之壽丹鼎就兮催黃帝之僊願靈休之敷遺長燕及
於皇天嗚呼哀哉 同日内出御製挽詩五首 其一
曰我宋書開雄炎圖統得天年推仁祖久歷至紹興綿
孝廟鴻謨永先皇寶祚延四朝各三紀盛德洽民編
其二曰帝烈王謨大居然備一身聰明堯寔並孝友舜
惟均夏后猶稱儉周王獨擅仁兼之惟聖德天賦絕群
倫 其三曰冲澹凝金永憂勤失寶丹講餘曦已午班
趣漏方殘濟野雲生暗蒼梧日轉寒烈朝從藝祖天闕
會金鑒 其四曰僊御賓空日龍飛杳杳間五霞呈瑞

彩九虎敬重闕寶輦扶蒼鶴雲歌擁玉班千年棲佛地
今日覩天顏 其五曰一意遵先烈無忘付託功天心
期不負帝業勉無窮七月猶為近三年尚有終惟餘飄
血淚千歲五雲東 三月四日詔令提領豐儲倉所貼
撥米二萬五千六百石付臨安府添充賑給貧民 十
二日仁文哲武恭孝皇帝掩櫓宮文武百僚赴後殿門
外進名奉慰皇太后皇帝 十七日皇帝於皇城門外
奉迎虞主升殿行安神之禮 二十五日祔廟前二日
遣官奏告天地宗廟社稷宮觀 二十六日詔仁文哲
武恭孝皇帝祔廟應臨安府城內外官私房賃錢並放
有差 小祥大祥並如之 二十七日神主祔廟皇帝

行寧神奉辭之禮 四月二日內降德音以寧宗仁文
哲武恭孝皇帝祔廟畢在臨安府紹興府管內見禁罪
人聞殺情輕及雜犯死罪以下至徒流遞減一等杖以
下釋之 二十七日詔靈駕發引畢櫨宮諸使及應辦
修奉官各特轉一官其知紹興府應辦櫨宮及兩浙運
副各除職 六月二十六日櫨寧畢頓連使主管宿頓
官壕寨官屬推賞有差內兩該人止從一重選人比類
施行以檢校少保奉國軍節度使知大宗正事師貞言
頓櫨宮了畢乞依節次體例推賞人從工吏部勘當故
有是命 七月十六日詔都大提舉喪事所諸司官屬
依例各推恩有差以安奉掩櫨了畢故也 八月二十

四日殿前司言措辦木植物料初造修補大料例船通
計一百一十四隻借付臨安府紹興府轉運司等處應
奉梓宮發到了當外有檢視印烙訖未修船一百五十
七隻乞支降會子撥行打造詔令封樁庫取撥支牒六
十三道付殿前司每道作八百貫變賣專充修造未辦
船隻務要堅壯經久二年正月一日皇太后皇帝詣
几筵殿行祭饗禮如宮中儀輔臣至六曹確侍郎已上
管軍臣僚正任觀察使皇親近郡防禦使已上並赴几
筵殿行奠醑禮宋史張恕傳理宗即位戶部郎官張忠
恕移書史彌遠請取法孝宗行三年喪
且曰孝宗始自踐祚服勤子臍凡二十有七年今自
外郎入繼大統未嘗躬一日定省之勞欲報之德視孝
宗宜有在實慶初詔求直言忠恕上封事曰人道莫
先於孝送死尤為大事孝宗朝衣朝冠皆以大布迨定

考以嫡孫承重光宗雅有疾未嘗不服喪宮中也洎光
宗上賓權輿方張莫有言者去秋禮寺受成胥吏未嘗
以義折衆慶元間再期而祥百僚始統服吉之若甫經
練祭雖朝臣一帝之微不復有吉凶之別則是三年之
喪降而為期害理滋甚況人主執喪于外而
羣工之服無異常日是有人子而無君臣也